

樂雅化之休豈不盡善而盡美乎觀予訂志始以地理終以天文其意可概見矣是爲序

光緒七年歲次辛巳希魯主人撰於赤城公署



赤城縣續志目錄

凡例

卷首

詔諭志

詔諭

宸章

卷三

赤城縣志

禮制志

慶賀

附恭迎

詔命

祀典

附諸禮

關隘

儒學

紀事

附雜志並金石志

天文志

星野

災祥

分纂校訂

甲子舉人望雲書院山長山左 于光明
癸酉舉人望雲書院山長山左 韓邦憲

江蘇 拔貢 司馬楓
侯揆知縣癸酉科舉人汝南 侯鼎臣

員外郎 銜邢部主事甯都彭世翰
採訪 以下俱係本縣人

孝廉方正王作梅翰林院孔目 貢生 王樹勳

甲辰舉人吳廷梅候選 千總 孟芝

恩貢生程大倫恩貢生 白振紳

赤城縣志

序

三

辛酉科拔貢生蘇善述 癸酉科拔貢生 白世符

歲貢 生蘇凌雲 歲貢 生李光彥

歲貢 生張心銘 歲貢 生鄭悟澄

歲貢 生饒廷樞 歲貢 生楊步垣

廩 生唐文藻 廩 生戴掄堂

廩 貢 生白世箴 附貢 生白世箕

廩 生蘇善教 廩 生侯永齡

廩 生饒逢泰 廩 生邊巍

廩 生李滋榮 廩 生王詠史

廩 生陳庚增 廩 生侯永繼

增 廣 生王煥勳 邑 序 生喬 森

赤城縣志

序

四



赤城縣續志卷首

詔諭志

詔諭

本朝

世祖章皇帝順治元年定鼎燕京傳檄關外之檄文並十
年

上幸口外駐蹕赤城宋之屏請復道臣疏及所奉

俞旨康熙四年

諭令宣鎮隸山西尋奉

旨仍隸畿內十一年正月

赤城縣志

序

上出居庸關奉

太皇太后幸赤城湯泉行宮三月初八日幸雲州金閣山

靈眞觀三十二年改衛所設府縣三十五年三月

上率諸王大臣統六師討噶爾丹初十日次獨石口十一

日出塞先後

繪音均無案牘可稽黃志藝文紀事中恭紀始末茲不復

贊

宸章志

謹案康熙三十五年征逆時

宸翰三章黃志藝文紀事中恭紀並辨府志紀年之誤

赤城縣續志

纂修姓氏

總裁

口 北 兵 備 道 玉 珩
宣 化 府 知 府 王 充

纂修

運同銜大桃知縣通州石壩州判署赤城縣知縣林辛貽

現任永清縣知縣前署赤城縣知縣張 鈺

庚子科舉人候補直隸州知州赤城縣知縣 宋尙文

知府用候補同知署赤城縣知縣 熊壽鏡

赤城縣志

序

二

大桃一等戊午科舉人赤城縣知縣 許 憬

參較

赤 城 縣 縣 丞 王 鏞

己酉舉人赤城縣教諭 李冠羣

赤 城 縣 教 諭 李 遇 泰

赤 城 縣 教 諭 祝 經 正

乙亥科舉人赤城縣教諭 楊 斐

赤 城 縣 典 史 栢 瀛 山

督梓

赤 城 縣 典 史 劉 向 辰

赤城縣續志

凡例

一志體例分爲綱目舊綱列爲八新增爲十目統於綱
庶協綱舉目張之義

一義例仍舊志參以續修所引

畿輔通志條量加增易務求詳備非敢自居作者

一卷中所載舊志原文最關緊要者悉仍舊

詔諭

宸章舊志載於藝文紀事之末冠履倒置於義未諧茲特

恭錄以冠卷首

赤城縣志

序

凡例

三

一禮儀爲淑世淑身之具金石字與史相資茲遵新例
編增禮制金石二部補舊志所未及其序次各附其
類以便觀覽

一舊志戶口繫於鄉都關隘附於塞垣茲增戶口關隘
二目並人物志增儒學一條俾守者了然心目觀感
者共切儀型云

一舊志卷首列縣境等圖瞭如指掌燦若列眉疆域依
然茲將赤城縣全境另本繪圖附刻於後

一各志中條目無可增纂者仍書其目以俟續採

一事實有失考者未敢附會姑闕以存疑

一舊志成於乾隆戊辰迄今百三十年考獻徵文良非
易易經前任

林牟貽米尚文

爾君先後成有續志稿茲復就見聞

所及詳加補訂而較正之第恐遺漏尚多請俟諸博
採君子

赤城縣志

序

凡例

四

赤城縣續志卷之一

地理志

志書莫先於地理而地理莫先於疆域疆域一正則地理得其平矣歷時已久不無沿革之殊成法猶存宜殫補修之力驗於人事者俯察焉有風俗之別著於天文者仰觀焉有星野之分此固一條不容缺者也前任黃令於此一事歷數寒暑而後告竣地理一條自禹貢而下援歷代而考證之俾後之人一展卷而獲博古之益焉詎非一大快事乎續修者或增或減不能盡同於前人而前人元元本本之處要不可

赤城縣志

卷之一 地理志

一

以盡沒也因作地理志

疆域 以下續修

黃志引畿輔通志赤城縣在府東北一百七十里東四十五里至邊界西三十里至龍門縣界南二十里至龍門縣界北一百里至邊界東南九十里至延慶州界西南十里至龍門縣界東北七十里至邊界西北五十五里至邊界東西廣七十五里南北袤一百二十里案現在勘步縣城直北至北柵口及附近東西二柵皆一百里直南十六里至山麓其山無徑上下約七八里山外里餘始入龍門縣界黃志言二十

里蓋指浩門嶺言嶺迤西非直南也直東至龍門所
塘子口四十里有奇直西至鎮寧堡西柵子龍門縣
界三十四里有奇東北至團山墩邊界九十六里不
能直達計其迤折共一百五里東南取道樣田滴水
出黃峪至延慶州寧界墩共一百里黃峪山半有瞭
馬臺界以是分計八十四里西南爲浩門嶺

原名與合門

龍門張四溝接壤計二十里剪寸嶺在其左南短西

長計二十五里西北至龍門路寧靜墩計五十里北

上至野鷄山取道鎮寧堡計五十五里統計西北一

百五里西南二十五里東南八十四里東北九十六

赤城縣志

卷之一 地理志

二

里北一百里東四十里西二十四里南二十三里東

西計廣七十四里南北計袤一百九十四里

黃志引舊志言由縣至京城三百六十里至保定府六

百九十里至宣化府城一百八十里案縣城至京有

正僻二路正路二十里至浩門嶺又七十里至東山

廟又八十里至土木又三十里至懷來縣又四十里

至岔道又四十里至南口又五里至沙河又五十里

至京都計共三百八十里僻路八十四里至黃峪口

又二十里至舊縣又四十五里至岔道岔道以南與

正路同計共二百八十九里至保定府合京省間驛

路三百三十里正路七百七十里僻路六百一十九里至宣化府二十五里剪子嶺又四十里龍門縣又三十里隆門關又三十里趙川堡又六十里至府城計共一百八十五里

附形勢

山川

浩門嶺 縣城西南二十里原名合門山下與龍門

縣分界至京正路也

青羊寨山 卽青羊溝山外又龍門縣界在縣城西南十七里

剪子嶺 縣城西南二十五里山下與龍門縣分界

赤城縣志

卷之一 地理志

三

至府路也

偏頭山 縣城西北十五里俗名鋸齒山象峯形也

黃土嶺 縣城北十五里上有古城今圯傳爲禦夷

鎮黃志古蹟載禦夷鎮引畿輔通志在赤城縣東北

後魏太和中置爲六鎮之一若然則宜在嶺東今考

東向諸山無可置鎮城者疑爲傳訛此嶺背山面河

實扼南北衝要也

金閣山 縣城北二十二里雲州西南八里兩間路

西有谷口卽劉家谷也元時道者祁志誠居之易其

山名曰金閣通志所載如瓊泉游仙嶼皆具其中觀

道縈紆西北有樵徑迤北之東實雲州路惟中巷絕頂峻甲諸峯俯瞰塞外瞭如指掌知前明楊昌平重修觀宇蓋隱情以虞敵非僅爲游觀所也籌邊樓或在是歟然不可考矣

南帳山 縣城北六十里北距獨石四十里三峯鼎峙如列屏然惟值大陰雨山水暴漲甚爲堡患元太傅劉文正公築精舍於此

馬營溝 縣城西北八十三里溝長二十餘里

董家洞 獨石城東南十里層巒環繞深澗縈廻故其山不外見梵宇重疊山半有洞相傳爲元明間避

赤城縣志

卷之一 地理志

四

亂所洞側有野茉莉一本幹甚老色白而不馨其他花卉叢生墜隙多不知名若卷耳若芍藥若牡丹云
崆峒山 獨石東南十里俗名冰山盛夏猶寒巔際寬平方長幾萬步土人相傳明將軍劉綎壁此尋被圍全軍覆沒陰霾時作或現棺形按邊人雅好鬼神卽此一端可以概見

東山 獨石城東三里許

北山 獨石城北一里許地脈過峽所也左右分繞城東西面南出之是之謂水纏元武

紗帽山 馬營北二十里一名冠帽山宣鎮圖說所

謂兩角枕宮帽山者是登山俯瞰城中無遁形圖說固危之矣矧偪處馬營溝後斷獨石口應援之路平守險計長者宜毋忽於此山

野鷄山 鎮寧堡西北二十五里水來塞外如過峽昔曾跨水爲關今圯

玉石溝山 鎮寧堡西北二十五里距縣五十五里今封禁

聚陽山 龍門所東南三十里黃志謂仙人於此修煉或據傳聞書之紀事載元史發雲州民夫鑿銀洞置望雲銀冶成宗元貞元年立雲州銀場都提舉司

赤城縣志

卷之一 地理志

五

冶雖有專官然皆銀場耳冶不必即此山至大德元年以鑛石煬煉銅貨不出詔減謀額則明指聚陽諸冶言是銅鑛實在此山也按此一條見冶之無利於國有害於民已顯著於詔戒之中矣書之以爲前事可鑒後來者無蹈故轍也

紅沙梁 龍門所東南五十八里梁東即塞外地嵯峨怪石林立深澗中爲出塞咽喉

九蓮洞溝 龍門所迤西南四十里溝長七里有奇九洞連亘其中極幽僻爲至京捷徑行旅絡繹暴客往往伏伺自

光緒元年請於宣鎮每歲冬春分設邏卒行旅少安
暗門溝 九連洞溝東南口迤西南二里許行旅必
由之路入夏多水惟冬可以藏風故舍東北之老龕
廟嶺取路於此

千松嶺 嶺在龍門所之東南嶺東五里即隘口名

曰千松頂樓山峯相連彼高於此故名松無多相傳

明時敵毀垣而入

駱駝山 滴水崖堡東北一里許

盤道山 滴水崖堡東北二里許即天柱峰後山

黃峪 滴水崖堡東南二十里距縣城八十四里有

赤城縣志

卷之一 地理志

瞭馬臺當路巨石也人由石上行石屬延慶州以此

分界至京捷徑又名黃峪溝愛河屯村相傳古屯兵

處蓋滴水後路也

沽河 河自塞外來一幹二支幹入北柵口口東有水關鉄

柱康熙九年同知胡之濬創建雍正八年知縣朱煥復修今柵柱無存以木易鐵 左右支流

則由東西二柵入北西者合於獨石城西北繞出城

南於城東北之支流三水合一 是為獨石河春冬間

東支間潤夏則盛漲洶湧之勢等諸北西隄恒決為

害城隅乾隆七年 督憲孫嘉淦以獨石城為邊口急工題准興脩八年知縣孟思詎領銀辦料

於九年三月起工十一年九月訖工曾築石壩土堤至同治六年水決殆盡縣丞章景樾謀之神士吳廷

梅等募千金與理事同知裕光捐廉以助築西由是
隅月隄兼引河殺水勢然距今五年隄椿已播
而南逕頭堡半壁三山貓峪舊站迤入龍門峽名龍

門川所謂獨固門者是出峽南下勢復盛七里河受

之雲州以東順軌而流至縣城外向東粵趨南合西

來水泉河野雞山諸水甚或漫溢潰隄乾隆十二年

近城垣知縣孟恩誼損工濟復二十四年知縣黃紹

七復睿河道二官以後官紳事此者指不勝屈而旋

濬旋淤潰其他水與合者如剪子嶺水浩門嶺水皆

溢常事耳

在山之泉細流就下盈科潤轍自昔靡常本不能逆

折北上而幹水旁溢合而為支流山水漲成時間相

挾倒漾水入以助幹水之勢然東南下注其勢較順

赤城縣志

卷之一

地理志

漾田一帶山遠水行不激地勢復平水到渠成田資

灌溉故明屯田水利今尙收之此外下游則西合龍

門河入界東行者過青羅口北迤繞滴水崖堡西南

與紅沙梁南下之別派合而三面臨水之勢成於是

漚流下東南出黃峪東入延慶州界蓋靖安堡白河

口也 樣田者官種作樣之田也黃志引明史詳之

通志易其名曰楊田河今攷之無據陽樂河詢無知

者亦未便於樣田南臆度其處諸河深廣時時各變

有深至一二丈廣至六七丈時亦有淺至二三寸窄

至一二尺時古人所謂無定河殆類此歟

野雞山河

水泉河 源出湯泉

剪子嶺河

浩門嶺水

伏讀

高宗純皇帝御製文灤河濡水源考證濡水見史傳者凡

五 說文出安東入漆涼者涿郡之濡也廣輿記出易

州窮獨山一名聖女水者易州之濡也並音儒左

傳出高陽者河澗之濡也音而三水皆由天津入海

此獨石口外之濡讀如難音與灤近其水自由永平

府之樂亭縣入海與畿內三濡迥不相涉又水經注

蒼梧之濡水出永豐縣濡字音儒明亦遠相同而已

惟灤河之濡水源遠流長雄於其四酈道元水經注

赤城縣志

卷之一 地理志

八

所謂出禦夷鎮者也灤河源獨石口外東北一百餘

里巴延屯圖古爾山 山為興安正幹自張家口向東

至獨石口外為大山折而西北

過上都城入於圍場之海喇堪與興安大嶺

相連屬出泉處較興安山梁尤為特出也

酈道元水經注云濡水出禦夷鎮東南 魏世祖破蠕蠕

列置降人於漠南東至濡源西概五原陰山分六鎮

是禦夷居六鎮之東自獨石口外至開平皆其故地

以今所考上都河源方向核之道元所言非盡無稽

歐陽修云灤水出炭山東北今考獨石口外無所
謂炭山者惟巴延屯圖古爾山士人名其山為黑老
山按昔人有謂濡水出黑龍山者龍老音轉承訛黑

龍山之言似不爲妄謹按濡水源本灤河灤河源發
自獨石口外之巴延屯圖古爾山卽土人所謂黑龍
山濡水出禦夷鎮東南自獨石口外至開平皆禦鎮
故地

聖製煌煌昭如日月茲黃志引畿輔通志沽河在縣東其
原有二皆自塞外流入一曰獨石水一曰紅山水未
確指發源之所士人僉謂相傳沽水發源自塞外黑
龍山則沽河卽源本於灤河抑沽卽是濡皆難論定
然以地考之今之獨石口卽古開平衛縣城北黃土
嶺有鎮城遺迹是赤城確爲禦夷鎮地復考水經注
赤城縣志

卷之一 地理志

九

沽水注大谷水南逕獨石口西又南逕禦夷鎮城西
沽水又南出獨固門又西南逕赤城則沽與濡所經
之地皆不出赤之境也琴錄

宸章並存舊說以俟博覽君子折衷一是焉

斐萊川 今無

娘子山泉 今無

公泉 在湯泉南百餘步平地微凹處突出今在若
有若無之間

黃龍潭 今涸

白龍潭 今涸

東山泉 在獨石東山上一方一圓滿而不溢

鹵水 詳古蹟禦夷鎮

古蹟

禦夷鎮 黃志引畿輔通志在赤城縣東北後魏太和中置爲六鎮之一又引水經注鹵水出西北山東南流逕舊鹵城北城在居庸縣西北二百里故名又云鹵太和中更名禦夷鎮茲伏讀

高宗純皇帝御製文灤河濡水源考證酈道元水經注云濡水出禦夷鎮東南按禦夷鎮爲北魏六鎮之一考

魏太祖紀云築長城於長川之西自赤城至五原延

赤城縣志

卷之一 地理志

十

表二千里又魏世祖破蠕蠕列置降人於漠東南至濡源西概五原陰山分六鎮是禦夷居六鎮之東自獨石口外至開平皆其故地

謹按縣城北黃土嶺有古城相傳爲禦夷鎮遺址今恭讀

聖製因灤河而考及禦鎮考核精密炳若日星允足信今而傳後矣

靈真觀見黃志祁志誠故居創築當在元世祖成宗間原名崇真明楊昌平請易今名觀在金關山內山口東向題名坊在焉北距雲州八里入山迤西北澗

磴縈紆有所謂南崕者有所謂中菴者申菴峻甲諸
峯磴亦較險洞闢其巔曰清虛其東北則耳熟之長
春洞在焉洞中石像若二十許人道者指爲邱長春
而以祖尊之其卽自號長春子之處機歟畿輔通志
云瓊泉在長春洞前按洞前亭欄下有一石鑿小井
止水無源非泉所自出也洞中石座下雙派細流由
左右刻石之水道引至龕外經拜臺尉注井貯穿石
欄罅入井中復別穿諸罅出成渠承以木罌足供僧
俗飲乾隆間大旱水涸特一時事也不必如黃志二
泉繞座之說蓋泉在座下安知其爲二乎若夫仙遊
峪詢之士人皆不能確指惟於幽僻處得一拳立石
刻詩其上曰我到仙遊峪仙遊向何處南山雲樹深
悵望不能去石痕剝蝕非近年物然無款識徵信峪
其在是歟

獨石亭 郡縣志皆入山川引水經注獨石孤生不

因河而自峙其周圍纔百餘步高不及二丈與園圍

中假山相似鍾靈天地究未可作山觀也宣鎮圖說

云一名星山一名丈夫石籌邊者雄峙相况美其名

曰丈夫豪氣語耳星則似爲鎮星之說昔人題之以

慧星卓爾其誤會可概見矣若謂星當木口形家所

謂捍門也羅星庶幾近之上有亭創建失攷康熙二十二年副總兵王之任重修記文詳藝文志

詠歸亭 黃志引舊志云在赤城湯泉上義取浴乎

沂也甃石爲亭基周圍水繞之濺瀑如煎茶之蟹眼

氣蒸而上後之人穿石罅以出引池東南流溢至坡

下迤折而西則修浴室也室有男女之別皆爲池其

中水不薪自沸浴輒愈疫攷之續鎮志明景泰間昌

平侯感黑鱗之異疏滌之藝爰內載前明湯侍御兆

京過溫泉記有溫泉下多有硫磺性殺蟲瘻瘡疥鱗

或有之靈何稱焉然猶謂或有鱗也竊謂鱗亦蟲屬

赤城縣志

卷之一

地理志

七

固制於礪者礪所在安有鱗昌平在邊年久洞悉邊情計將溉樣田修屯政最利者須濬上游慮邊人不樂受厥功也乃甃之以鱗具焉邊人固好鬼神也可見豪傑舉事貴因時勢以利導之謹案康熙十年遣內大臣海喇孫建

行宮於湯泉設把總一員專管今廢石刻詩文詳藝文志

附陵墓

明昌平侯贈穎國公楊洪墓 在縣東十八里今名

楊善莊明龍門所參將饒允墓 在縣東南十五里

今名老幼市

昭軍將軍郭昇墓 在獨石穆其先塋側有將軍親
筆之阡表表不文今節其事畧記之將軍字賓陽別
號東菴山西開善縣軍籍調戍開平者也歷高曾祖
以來未嘗一入廛仕及將軍代戍從董參軍拒敵龍
門所之磨世溝維時嘉靖戊申秋七月也以後屢立
戰功遂受朝命爲指揮僉事中間有軍令招撫朵顏
偪虜巢而穴居虜意將見害將軍覺之誓以大義咸
驚誘去出入漠北閱十餘年虜夷始帖服不爲邊患

云

鄉都

赤城八里行差村
莊各附其里以行

赤城縣志

卷之一 地理志

三

赤城里

西紅石窰 縣東十五里

東紅石窰

縣東十七里有
奇

郭家屯

縣東南三十三
里

雙山砦

縣東南二十里

浩門嶺

縣西南二十里

小營堡

縣西南十五里

小嶺

卽鄭家莊縣西南
十二里

糖房村

縣西南十五里

王官村

縣西北二十里

四道溝

縣西北十九里

龍門里

縣東三十里由樣田大道迂迴六十里

高鎮東

縣東南四十二里所
東南十一里卽高墩

紅沙梁

縣東南五十四里所
東南二十四里續成

程鎮溝

縣東南四十八里所
東南十八里續成

小堡子

縣東南四十五里所東
南十五里續成

殷家窰

縣東南六十五里
所東南四十里

草廠溝

縣東南六十二里所東南
三十七里續成

樣田堡

縣東南三十里
所西南二十里

蔘菇溝

縣東南五十一里
所西南二十一里

滴水崖里

縣東南七十二里

上莊子

縣東南六十八里
堡西南八里

白龍潭

縣東南七十五里
堡南十五里續成

暗門溝

縣東南五十四里
堡西北十八里

長勝莊

縣東南七十六里
堡西北八里

馬營里

縣西北六十四里

邱家嶺

縣西北八十九里
堡東北二十五里

寺兒溝

縣西北五十九里
堡東南十里

東柵口

縣東北二百里
口東北十里續成

觀音堂

縣正北八十五里
口東南五里續成

頭堡子

縣正北七十八里
口東南十二里

君子堡

縣西北八十四里
口西南三十里

馬營溝

縣西北九十二里
口西南一里又二十里村盡續成

太堡溝

縣西北九十七里
口西南五里又十五里村盡續成

城西溝

縣西北九十五里
口正西五里續成

赤城縣志

卷之一

地理志

古

龍門口

縣正北二十里
村堡正南十里

呂和堡

縣正北十九里
堡正南十里昔名李和堡

東路

張家窰

新莊子

丈房溝

潘家寺

郝家窰

鄧家窰

灰窰子

郝家窰

東村

西村

南路

武家窰

青陽觀

炮爐

石溝

西路

東溝樓

三道溝

趙家溝

鄭家墩

水泉兜

西窰子

北路

周里溝 打羅村 頭墩莊 二墩莊 梨木溝

案黃志以村莊分路時尙無八里制也八里制定既

久傳說八里原委嘉慶七年開除圈撥等地後以賦役不均故從民欲而析之嶺以官堡如君子松樹地方遼闊無附近村落清泉附近中堡外亦無近者因悉附之獨石口里設倉各一屯

糧米豆就近輸倉免民遠涉似宜從今而於各名下兼注方向里數所以重民居權程限也今無昔有別

爲廢村則興廢攸繫矣堡有官民之別清泉半壁猶

峪君子松樹羊房倉上鎮案鎮寧牧馬樣田滴水長

伸寧遠皆官堡也城則三等曰衛曰所曰營其營城

馬營是所城龍門雲州是衛城獨石赤城是然亦論

赤城縣志

卷之一 地理志

五

從其朔今旣改衛爲縣餘城宜皆以堡名孤懸者別
附前注已詳村非孤懸而人民較少或今昔異名者
詳註於下或名異而重出或義失於轉音亦各注之
以備攷其無關名實互相移易若村莊窖屯堡溝類
第從人習知者惟龍門縣之于家堡確在彼境不知
當日何以易堡爲溝闌入東路今徑削去無復疑也
年放于家堡北山在赤城南山外迤東當時有于家溝之名蓋鵬鶚未入龍門猶是縣屬地也
昔志列東溝樓於西路當非獨石東北之東溝今詢
士人無知者殆久廢矣因入廢村滴水崖東北九里
有村曰委園兜其行差向附赤城里於八十里外糧

米豆亦運納城倉跋涉甚苦今恤之令近附滴水崖
戶口

黃志載乾隆九年編審冊數本城關廂及東西南北
四路共編戶六千一百七十六丁一萬四千四百三
十四口七千四百四十八案奏銷老冊原額行差入
丁一千五百零三名各徵不等共徵銀一百八十三
兩七錢雍正元年奉

旨二年始攤入地糧卽每兩均攤之丁匠丁閏其

盛世滋生補贖餘丁一百五十六及出旗爲民丁八十均

欽奉

赤城縣志

卷之一 地理志

去

恩詔永不加賦至編審案內截至同治二年止除補額丁

仍以一千五百三爲斷此外不在均攤丁匠列則
新墾地糧不應加攤丁匠滋

生餘丁實有三百五十四此丁匠各戶額餘丁數也

若八月冊報十月具題有關

看版大典者則統計城鄉八里赤城滴水崖灌門所鎮安
堡雲州堡獨石口馬營堡

鎮寧堡男婦大小丁口以次入冊今攷光緒五年冊

檔及保甲共戶五千四百四十二丁一萬四千一十

六口一萬五十二

赤城縣續志卷之三

禮制志

地利既定建置頻興而人世之往來好尚紛然而百
出官斯土者不可遽以刑齊之也要當先示之以禮
焉考赤城舊志獨遺禮制一條意其時邊外未靖屢
事兵革故未暇及此乎今赤自改縣以來涵濡教澤
幾二百年戢戈囊矢銷爲日月之光悍俗媮民沐乎
詩書之氣魯諸生所謂積德而後興者是亦守土之
責矣訪諸野老徵之文獻因此地之人情定節文之
良規不敢言禮教之興也庶幾黼黻

赤城縣續志

卷之三

禮制志

休明之一助爾因補作禮制志

慶賀

萬壽聖節元旦冬至朝賀拜

牌

前一日知縣率僚屬敬赴

萬壽宮習儀至日黎明同詣

朝房具朝服鼓三嚴恭詣

殿下行三跪九叩首禮禮畢坐班

附恭迎

詔命

知縣率僚屬具儀仗鼓樂至郊外跪接隨至公堂眾
官依次排班行三跪九叩首禮跪俟宣讀聽畢復行
三跪九叩首禮禮畢各自回署

祀典

丁祭

每歲春秋仲月上丁日致祭前三日知縣率僚屬及
諸執事人散齋二日各宿別室致齋一日同宿祭所
前祭二日教諭率執事人詣廟掃除日午各官捧祝
版及榜圖至學宮安祝版於祝案詣

至聖先師孔子神位前上香行一跪三叩首禮退詣明

赤城縣續志

卷之三

禮制志

二

倫堂監視洗濯祭器實豆籩潔尊加勺幕陳列堂上

工歌陳樂於堂之前楹樂舞生各具服執籥秉翟齊

集堂下日晡後主祭官具吉服至明倫堂升座各官

以次三揖主祭官省饌豆醴尊詣省牲所省牲揖主

祭官復位各官以次序坐演禮樂如正祀

崇聖祠正位陳設

五案

祝版一

帛五

尊一

有勺疏
布幕

爵五

血豆一

羊一

豕一

鉶一

簠二

簋

二 籩八豆八

饗二

配位陳設

東西各一案

帛四

尊一

有勺疏
布幕

每位爵三

羊一豕一

鉶一簠一

簋一

簠四

豆四

饗二

從祀陳設

東西各一案

帛各一

尊一

有勺疏布幕

每位爵三

羊一 豕一 簠一 簋一 籩四 豆四 鐙二

祭日黎明主祭官先至

崇聖祠禮生贊引瘞毛血迎神行二跪六叩首禮興詣

盥洗所盥洗詣

五聖王神位前跪獻帛獻爵叩首興詣讀祝所各官皆

跪讀祝者跪讀祝文畢叩首興詣

先賢顏氏

先賢曾氏

先賢孔氏

赤城縣續志

卷之三 禮制志

三

先賢孟氏神位前跪獻帛獻爵叩首其從祀分獻官

於讀祝後

行分獻禮初獻禮畢復位行亞獻禮詣飲福受胙所

跪飲福禮受福胙叩首興復位謝胙行一跪三叩首

禮興徹饌送神二跪六叩首禮興詣燎瘞所望焚祝

帛瘞饌豆復位禮畢

大成殿正位陳設 帛一 尊一 白磁爵三 血豆

一 俎一 羊俎一 豕俎一 登一 鉶二 簠

簋二 籩十 豆十 鐙二

四配陳設

東西各一案

每案帛

尊一

白磁爵三 羊

豆一 豕俎一 鉶一 簠二 簋二 籩八 豆

八 鐙二

卡哲陳設東西各一案 每案帛六 尊一 白磁爵三

羊俎一 豕俎一 鉶一 簠一 簋一 籩四

豆四 鐙二

兩廡陳設東西各二一案三俎 帛二 羊三 豕三每羊一案

凡三 簠各一 簋各一 籩各四 豆各四 爵各

三 鐙各二三尊同站 祭品 帛 酒 牛 羊

豕 太羹 和羹 黍 稷 梁 形鹽 藜

魚 鹿脯 棗 栗 榛 芡 黑餅 白餅 韭

赤城縣續志 卷之三 禮制志

菹 醢醢 鹿醢 兔醢 魚醢 脾折 豚 拍

祭日黎明教諭率執事人陳設祭器祭品牲俎於各

神位前工歌陳篋籥琴瑟鼓祝祝等訖各齊集廟門

外待事知縣率分獻官陪祭官各朝服詣廟門外由

櫺星門右人鼓三嚴各就位座毛血迎神舉迎神樂

奏昭平之章行三跪九叩首禮興行初獻禮舉初獻

樂奏宣平之章舞宣平之舞詣盥洗所盥洗詣

至聖先師孔子神位前跪獻帛獻爵叩首興詣讀祝所

跪分獻陪祭各官皆跪樂止讀祝者跪讀祝文畢樂

作叩首興詣

復聖顏子

宗聖曾子

述聖子思子

亞聖孟子神位前跪獻帛獻爵如前儀叩首與其東
西哲分獻官兩廡分獻官於讀祝後各行分獻禮初
獻禮畢復位行亞獻禮舉亞獻樂奏秋平之舞詣
至聖先師神位前獻爵同初獻惟不獻帛四配儀同東西哲兩廡分獻禮亦同亞獻
禮畢復位樂止行終獻禮詣

至聖先師神位前舉終獻樂奏叙平之章舞叙平之舞

終獻禮畢詣飲福受胙所跪飲福醴受胙叩首興復

赤城縣續志

卷之三 禮制志

五

位謝胙行一跪三叩首禮徹饌舉徹饌樂奏懿平之
章送神舉送神樂奏德平之章行三跪九叩首禮興
詣燎瘞所望焚祝帛瘞饌豆樂止禮畢

關帝廟

每歲春秋仲月上戊日五月十三日致祭雍正三年

加三代公爵尋又加王爵供奉後殿春秋仲月上戊

日致祭五月十三日同

後殿陳設 帛三 爵三 羊一 豕一 籩豆各

八 鐙二 鑪一 尊一有勺疏 香盤一

祭日分獻官詣行禮三獻一跪六叩首禮

前殿 凡祭之前一日與祭日陳設品物禮儀均與
文廟同惟不設樂舞

五月十三日致祭 帛一 爵三 牛羊豕各一

果品五 鐙二 鑪一 尊一 有勺疏 香盤一
布幕

禮儀與戊祭同

文昌宮

每歲春秋仲月上戊日及二月初三日

聖誕致祭一切品物禮儀與 關帝廟同

後殿供奉陳設品物禮儀與祭 關帝三代同

社稷壇

赤城縣續志 卷之三 禮制志

六

每歲春秋仲月上戊日致祭用帛二 黑 白磁爵三

羊豕各一 血豆一 銅一 簋簋各二 籩豆

各四 鐙二 祝版一

行三獻三跪九叩首禮

風雲雷雨山川壇

每歲春秋仲月上戊日致祭用祝版一 帛七 尊

一 爵二 十有一 羊豕各一 銅一 簋簋各

二 籩豆各四 鐙二 香盤一 鑪一

行三獻三跪九叩首禮

先農壇

每歲仲春亥日致祭用祝版一 帛一青 羊豕各

一 釧一 籩豆各四 簋簋各二

行三獻三跪九叩首禮祭畢詣耕籍所照九卿九推

九返望

闕行三跪九叩首禮

厲壇

每歲清明日七月十五日十月朔日致祭

城隍位前用祝版一 帛一 爵三 羊豕各一

奠五 鐙二 香盤紙馬

無祀鬼神東西各一案 每案用爵三 菜三 羊豕各一

赤城縣續志

卷之三 禮制志

七

米飯三石 鐙二 紙楮十兩 金銀鏹十束

城隍廟

每歲春秋仲月與風雲雷雨山川同壇致祭清明日

七月十五日十月朔日厲壇致祭在廟並無專祀

行兩跪六叩首禮

當零在南郊祇壇將事案神祇壇即風雲雷雨山川壇 每歲立夏後蠲吉合

風雲雷雨社稷神祇城隍諸神同祭品物禮儀均與

戊日壇祭同

八蜡廟

每歲春秋仲月上戊日致祭

劉猛將軍

每歲腊八日致祭用少牢行一跪三叩首禮

馬王廟

每歲春秋仲月甲戌日庚日致祭用少牢行三獻二

跪六叩首禮

土地祠

每歲春秋仲月上戌日致祭用少牢行二跪六叩首

禮

獄神祠

祭用少牢行一跪三叩首禮

赤城縣續志

卷之三

禮制志

八

蕭曹祠

每歲三月誕辰致祭行二跪六叩首禮

名宦祠

每歲春秋仲月丁祭禮畢遣分獻官致祭用帛一

羊豕各一

尊一

有勺疏布幕

爵三

籩豆各四

盤二

鑪一 香盤一

行一跪三叩首禮

鄉賢祠

祀期祭品禮儀與名宦祠同

忠義孝弟祠

案大清會典載雍正二年欽奉

諭旨於學宮建忠義孝弟之祠一所宜建在鄉賢祠之南門外立石碑一通忠義孝弟之人俱標姓名於其上已故者設牌位祠中春秋致祭 祀期陳設禮儀均與名宦祠同赤城禮制初脩舊無專祠用特表誌以俟來者

節孝祠

每歲春秋仲月上戊日致祭用少牢行一跪三叩首禮昭忠祠

祀期祭品禮儀與節孝祠同

赤城縣續志

卷之三

禮制志

九

魁星閣

每歲丁祭禮畢後教諭致祭用羊二行二跪六叩首禮

附諸禮

迎春鞭春 立春前一日知縣率僚屬具朝服至東郊齊集北向行三跪九叩首禮退更衣詣芒神前行一跪三叩首禮畢鼓樂迎芒神回署設位於儀門左揖而退次日立春時率僚屬各公服至芒神前行禮如前畢各執綵鞭環擊土牛三匝

救護 凡遇日月食知縣率僚屬素服於縣前行三

跪九叩首禮伐鼓救護侯復圓朝服行禮如初

上任 新縣官至邑東門先一日致齋於城隍廟至
日詣縣上任具公服望

闕謝恩行三跪九叩首禮拜印行三跪九叩首禮升堂開

印署公移行參見禮乃諭僚屬畢進內宅祭竈

開印封印 知縣遵於某月日時開印封印具朝服

於公堂行三跪九叩首禮升堂排衙

賓興 每逢大比知縣擇期旻諸生於公堂出郊揖

送

赤城縣續志卷之四

食貨志

食爲民之天貨爲民之用食與貨民間一日不可缺者也然不開其源則食貨之生也有限不節其流則食貨之費也易窮禮制後而繼以食貨明示人以食貨之間不可不有禮以裁之也上裁之以禮則食貨之間不敢有僭越之思下裁之以禮則食貨之間不敢萌奢侈之念禮之不可不講也無問於人不拘乎地誠萬世食貨之本也然有不可一概論者赤屬邊境山崗起伏之際餘地無幾加以栗烈之風感發之氣五穀之生較他處爲倍晚其餘昆蟲草木之生於山者不可以養人更可知矣蓋地瘠則民貧民貧則俗敝四維之不講非一朝一夕之故也其所由來者漸矣官斯土者欲移風易俗尙於食貨之間再三留意焉庶有合於納約自牖之義乎因作食貨志

賦稅

本折銀糧

案賦役全書成於道光二十三年是年以後訖同治十年十二月歷年並無收除計實徵每歲銀一千八百七十四兩六錢五分八厘遇閏加徵銀一十二兩

三錢三分二厘零米三千一百一十一石三斗二升
四合四勺九抄豆折米一千一百五石二斗一升三
合三勺豆一千五百五十五石四斗八升九合二勺
九抄遇閏加徵米一石一斗二合六勺軍租谷二石
五斗與地並別作爲另款歸併地名九曰上北路廳
曰開平衛曰鎮安堡曰雲州堡曰馬營松樹堡二堡併一
曰鎮寧堡曰赤城曰龍門所曰滴水崖原設名目十
四曰圍種曰屯田曰地畝曰折色曰退回曰興屯歸
併曰新墾首報曰奉文清出曰額田官地曰棄人牧
馬草場曰撫賞蕎麥改折曰順平撥補改歸曰公務

赤城縣志

卷之四

食貨志

二

驛傳壇廟月紙學校改撥今日條編

編字當是鞭字之訛蓋指一條

鞭法言

軍租曰贍軍總目二曰折色徵銀其科則有

四分三分九釐二分七厘二分三二一厘一分五四

三厘九八厘之懸殊以圍種屯田爲最重曰本色徵

糧其科則有一斗三升八升三二合七升六合六升

六合五升六五合五升四升七六合三升八七合三

升二升九八七合一升九八四二一合之懸殊以退

出官田爲最重圍屯地畝次之銀儘數留支赤城雲

州二驛夫馬工料

工料細數與缺額無閏一歲銀一千兩百九十兩三錢八分二厘有

閏一歲銀二千三百兩一錢二分七厘及不加閏之缺額祭祀俸工一歲銀一千三百八十五兩四錢

八分六厘詳
驛站庫儲 米豆儲各本倉支放獨石口駐防官兵

俸月米養育兵丁米孤寡殘廢名糧米故官故兵孀

婦期年半俸半餉米鎮安等城堡兵丁餉米撥運獨

石口新廠不敷兵夫米孤貧口糧米喇嘛口糧米獨

石驛傳部驛馬料豆赤雲二驛馬料豆

細數詳倉儲兵制驛站

起運各部寺錢糧總歸戶部項下無

折色項下有額無徵銀十七兩

四錢六分七厘加開十七兩五錢六分一厘本色項下額無徵閏米一石一斗二合六勺

歷年官爲捐補不知始於何年

耗羨

原額每銀一兩額徵耗羨一錢無閏之年共徵銀一

赤城縣志

卷之四

食貨志

三

百八十一兩七錢七分一厘七毫有閏之年共徵銀

一百八十八兩六錢九分八厘三毫每糧一石額徵

耗羨一斗除留三鼠耗實共應存七耗米二百九十

五石一斗五升六勺零豆一百八石八斗八升四合

二勺零

案舊制耗銀存縣庫坐支養廉嘉慶十六年改歸布

政司庫彙放常需祭品文武官養廉辦公順天府義

學膏火吏戶刑三部及兵科飯食霜降犒賞孤貧口

糧四糧柴薪修理船隻倉廩等項本縣正佐廉銀赴

司請領耗米耗豆各儲本倉再查折色正耗原徵全

銀咸豐三年以行用鈔票改銀七票三七年因流通
當十錢改銀四票三大錢三八年以餉票壅滯復改
銀七票三後三成票折銀二成十年改銀九票一同
治七年票停用復十成全銀舊

贍軍租穀

賦役全書順治元年贍軍地五十畝每畝徵穀五升
共徵穀二石五斗

耗羨

軍租耗羨每石徵穀一斗除留三鼠耗實共應存七
耗穀一斗七升五合

赤城縣志

卷之四

食貨志

四

案正耗穀專款分別存本倉倉在龍門所
存退租糧

龍門所實徵紅簿存退輸租糧一十一石四斗一升
內米五石七斗五合豆五石七斗五合

耗羨

核存退租耗羨每石徵糧一斗除留三鼠耗實共徵
七耗糧七斗九升八合七勺內米三斗九升九合三
勺五抄豆三斗九升九合三勺五抄

案此項米豆正應專款儲本倉耗則併儲屯耗內有
清查司冊可憑惟由何旗入官分作公產尙贖應存

地若干及革退何庄頭交出原地若干每畝議徵若干令悉失攷

三次回贖旗租銀原地八十畝各徵不等共徵銀七兩五錢五釐

每兩捐解平飯報部一分不報部一分六厘

案乾隆十六年回贖民人趙仁張天助價典鑲黃旗

滿洲英德牛祿

譯漢即佐領

下五十九承典正旗蒙古固

山那本站牛祿下採住名下地六十畝每畝徵租不等共徵銀五兩四錢四分一厘又乾隆十七年回贖

民人趙仁價典前名下地二十畝每畝徵租不等共徵銀一兩八錢一分四厘歸入三次回贖項下徵解

赤城縣志

卷之四

食貨志

五

布政司庫

公產旗租銀原地六十七畝各徵不等共徵七兩二

錢九分八厘

平飯同三次回贖

案乾隆二十一年奉正白旗滿洲都統和碩誠親王

副都統塔委員章京驍騎校白清太會同查徵出乾

隆十七年回贖民人陳智周洪政楊茂春價典鑲黃

旗滿洲英德牛祿下五十九承典正白旗蒙古固山

那本站牛祿下收盛祿佐領下狗上拜唐阿採住名

下原業無力回贖地五十七畝各徵不等共徵銀六

兩二錢九厘又乾隆二十二年奉鑲黃旗滿洲都統

委員駢都尉砂棠阿會同查撤乾隆十七年回贖民人趙進財價典前名下被高屏出典無力回贖地十畝各徵不等共徵銀一兩八分九厘各作爲公產歸入公產項下徵解布政司庫

儲備軍餉租銀墾復荒地三頃四十八畝一分八厘各徵不等共徵銀一十一兩七錢四厘

案道光二十四五年查辦旗民馬廠官荒等地案內

歷前令會同委員遵查得二十六年墾復水中除糧項下一地八十三畝依原額共議徵租銀二兩七分一地二項六十四畝八分八厘依原額共議徵租銀

赤城縣志

卷之四 食貨志

六

九兩六錢三分四厘一毫二共銀一十一兩七錢四

厘一毫詳由 藩憲溫 子選 轉請於督憲 訥爾經額

奏交 戶部覆准歸儲備軍餉案內徵租不加耗閏

專欸解司庫自道光二七年始儲備急需二十六年徵存者另行報撥

代徵順平撥補租銀代徵撥補租順義地四十一項

七十七畝七分各徵不等共徵無閏之年銀一百三

十四兩四錢四分八厘有閏之年銀一百三十三兩

九錢一分九厘 遇閏轉減五錢二分九厘 平谷地二十

五項二十五畝各徵不等共徵米一百一十五石五

斗七升九合一勺除扣正糧三十九石六斗二升六

勺加一耗糧三石九斗六升二合一勺實餘租米七

十一石九斗九升六合四勺實徵册折征銀七十四兩五錢四分六釐依每

米一石折銀一兩倒計溢額銀二兩五錢四分九厘六耗而歷年移解折色銀亦與寔征無異

案賦役全書順治四年撥補地一百三十三頃二十

七畝九分九厘七毫五絲九忽二微內應徵銀四十

八兩七錢二分四毫一忽四微六纖糧三百九十三

石三斗一升七合五勺今以七米二豆豆八折法計

之合得米二百七十五石三斗二升二合二勺五抄

豆一百一十七石九斗九升五合二勺五抄八折作

米九十四石三斗九升六合二勺共作米三百六十

九石七斗一升八合四勺五抄開除賦役全書內載

乾隆三年改歸屯糧地七十頃二十八畝共折凡言折糧皆米

也一百七十四石八斗一升七合五勺八抄零今實

歸屯糧順義米一百三十石二斗八升一合七勺平

谷米三十九石六斗九升一合五勺共一百六十九

石九斗七升三合二勺缺屯額實應撥補地六十三

四石八斗四升四合三勺八抄

頃五十五畝九分九厘七毫五絲九忽二微今奏銷

頃二畝七分溢撥補地額三頃六十七

四十六畝七分二毫四絲八微徵米一百九十四石

九斗八勺六抄零倒折銀每石一兩銀米數等併計

奏銷銀米作米二百六石四斗四升四合四勺溢米

額一十一石五斗四升三合五勺五抄零加入原撥
補銀四十八兩七錢二分四毫一忽四微六纖共溢
米額五十石二斗六升三合九勺五抄零
籍田一區額徵穀六石

按致祭

先農壇品物案盛計每次共用銀四兩谷一石折銀五
錢支銷額徵全數其不敷銀二兩官自捐補歲有奏
銷

案咸豐元年同治元年二次恭逢

恩詔豁免道光三十年以前咸豐九年以前各民欠錢糧
赤城縣志

卷之四

食貨志

八

均經各前令查明各無積欠無可請豁先後詳覆在
案此外嘉慶道光初元之

詔豁並一切慶典逢

恩及水旱偏全災節年蠲緩承行書吏堅以無存自諉今
附錄之以闕疑

當稅 歲無定額每當舖納稅銀五兩

案光緒六年開市五坐

赤城一龍門所
二獨石口二

燒缸稅 歲無定額每缸戶納稅銀一兩二錢

案光緒六年開市二十一戶

赤城五龍門所五獨石
口四雲州堡一馬營堡

二鎮寧堡二
滴水崖堡一

牙帖稅 歲無定額每牛驢行牙紀一名納稅銀七錢每斗行牙紀一名納稅銀五錢

案光緒六年牛行二名驢行一名斗行六名

牛行赤城一龍

門所一驢行滴水崖一斗行赤城三龍門所一滴水崖一獨石口一

牛驢稅 歲無定額牛驢馬價銀一兩抽稅銀三分

案有閏年約收稅銀一十三四兩無閏之年約收稅

銀十一二兩向歸典史監收奏銷仍入縣冊

房地稅 歲無定額

獨石南北貨稅及北來鹽稅 歲無定額南稅大號

潞假疋三分中號潞假疋二分雜貨駝一錢四分藤

赤城縣志

卷之四

食貨志

九

駝六分棉線筋一釐口袋襪條二釐靴雙五釐快

鞋雙五釐香駝六分紙駝六分草紙駝三分椽車五

分驢頭六分色綢疋二分下機布疋一分六厘各色

梭布疋二厘綢估衣件三分麩駝六分油駝七分燒

酒駝六分黃茶羸駝二錢四分驢駝一錢二分菸筋

四厘鐵器駝二錢四分席駝六分瓷器駝八分猪口

六分花椒筋一厘銅鐵鍋口一分詭花駝六分藤

個駝二錢四分木桶個二厘北稅騾馬匹六分客馬

匹九分牛隻六分駝價兩三分牛皮張一分羊隻三

分羊皮張一厘羊皮襖件一分羊羝筋二厘羊毛筋

一厘黃皮張二厘鹿皮張五厘裕皮張二厘毡塊一
分本枋車五分鹽北來進口舖戶以貨換之每車納
銀四分歸南北貨稅報銷

案有閩之年約收稅銀三百七十兩無閩之年約
收稅銀三百三四十兩不等獨石即明之開平衛改
縣後稅局仍舊知縣簽派稅書一名專司稅務設巡
役二名稽查漏稅管糧縣承兼監收

附倉糧

赤城倉 每年徵米六百一石四斗一升八勺豆二
百二十九石二斗八升五合六勺

赤城縣志

卷之四

食貨志

十

獨石口倉 每年徵米四百石四斗三升一合二
勺一抄豆二百一十七石

鎮安倉 每年徵米一百七十八石九斗二合一勺
豆八十石

雲州倉 每年徵米五百五十石五斗八升八合七
勺九抄豆二百六十九石二斗三升四合一勺九抄

馬營倉 每年徵米五百五十二石一斗八升八合
豆三百一十五石

鎮寧倉 每年徵米四百八十八石八斗八升四合
三勺九抄豆九十二石

龍門所倉 每年徵米七百九十六石三斗三升二合四勺豆二百九十五石

滴水崖倉 每年徵米七百四十六石七斗二升九合三勺豆五十七石九斗六升九合四勺

案以上八倉過閏之年加徵米一石一斗二合六勺豆向不加閏

常平倉 赤城縣經管

社倉 赤城里社長副楊煥生經管谷五百八十二石八斗七升五合苟昇經管谷五百八十二石八斗八升

赤城縣志

卷之四

食貨志

十一

義倉

赤城里倉正副戴祿郭世文龐喜經管谷五百四十四石六斗九升一合六抄

龍門所里倉正副張棻崔迪吉李增富經管穀六百一十石一斗

鎮寧里倉正副王正崗張海晏經管谷二石三斗八升

滴水崖里倉正副官永慶胡現珍經管谷二百九十一石二斗

獨石口里倉正副李長清楊忠元經管谷九百石六

斗

馬營里倉正副裴文孝李福良白文斌經營谷二百
五十六石九斗

附積穀

赤城里 存谷八百石

獨石口里 存谷八百七十石

鎮安里 存谷二百石

雲州里 存谷二百石

馬營里 存谷四百四十石

鎮寧里 存谷三百一十石

赤城縣志

卷之四

食貨志

十一

龍門所里 存谷八百七十石

滴水崖里 存谷三百一十石

案光緒六年爵閣督憲李鴻章奏請以直隸頻年

水旱戶鮮蓋蔽必須設法籌備酌定章程刊發通省

州縣各就情形勸捐積谷奉

旨該部知道欽此當經藩憲任道銜轉行到縣知縣熊

書錢諳切勸導簡據士民等踴躍樂輸共捐谷四千

石分存各里選擇公正殷實之家經理

經費

積儲

當平倉谷一萬八千五百八十六石九斗九升七分

二勺社倉谷一千一百六十五石七斗五升五勺

赤城縣志

卷之四 食貨志

三

義倉谷二千六百五石七斗八升二合六勺

捐存積谷四千石

徵存旗租米三百五十三石七斗一升

徵存旗租耗米一十二石三斗八升一合四勺

徵存旗租豆三百五十三石七斗一升

徵存旗租耗豆一十二石三斗八升一合四勺

徵存軍租谷三百七十五斗

徵存軍租耗谷一十石一斗五升

徵存厯年屯米無

徵存豆折米四百九十七石五斗八升八合四勺六

抄四撮

徵存屯耗米四千五百四十四石四斗一升七合七抄七撮

案賦役全書額徵以上屯耗豆折米三畝向不敷本年散放有閏之年不敷米三百餘石無閏之年不敷米三十餘石收除隨時均無定數今載光緒六年分現有實數

徵存歷年屯糧豆一千四百五十一石三斗三升八合一勺三抄

徵存屯耗豆二千三百三石一斗八合一勺五抄四

赤城縣志

卷之四

食貨志

十四

撮

案以上屯耗豆每年除散放外約賸餘豆數十石隨時收除均無定數今載光緒六年分現有實數

赤城縣續志卷之五

武備志

天下食貨所在爭端伏焉爭端之小者在鄉閭則為門毆爭端之大者在國家則為兵戎此武備所以不可不講也第武備之講視乎地利武侯心書有云平曠之野利用騎山崗之地利用步又云利用矛戟投石超渠之技皆山崗之所利也前人知此意故於各堡之形勢而論之明其四至之遠近詳其道路之險夷何處可以禦敵何處可以伏兵其為後人慮也至深且遠矣續修者將前人秘謀碩畫概為刪除噫誤矣夫兵可百年不用不可一日不備神而明之與時消息有非紙上之談所能盡者矣因作武備志

軍制

現設馬步兵丁

現設官員俱詳職官志

獨石口協營

轄兩營十一城堡

舊設馬步守臺兵一千七百六十六名

內有馬兵四百三十八名

步兵五百七十一名守兵五百八十七名臺兵一百七十名乾隆二十七年裁汰馬兵三十八名步兵五十七名四十七年裁汰養廉馬兵五十六名步兵十三名守兵一百一十一名公費步兵十四名守兵十三名公糧馬兵五名步兵九名守兵二十七名四十八年補復額公糧馬兵二名步兵四名守兵十六名嘉慶七年裁撥永定河步兵十名守兵四十七名十六年裁撥赤峰營馬兵十名步兵十四名守兵十七

名十九年裁撥大名馬兵十四名步兵二十九名守
兵九名道光元年裁撥大名馬兵三名步兵四名守
兵十三名十二年裁撥西疆馬兵六名步兵八名守
兵十一名二十年裁撥天津海口步兵三十八名
兵九十名二十一年裁撥天津海口馬兵二十七名
步兵二十四名守兵四十八名二十四年裁撥山海
路經制外委馬兵一名通共裁撥馬兵守兵七百六
十六名

現設馬步守臺兵一千二十二名分設各營內實在差操

防批新舊馬兵二百八十名戰兵二百五十五名守

兵二十五十八名臺兵一百二十九名

歲次官俸兵餉馬乾米折等項銀米分詳各營下

舊設營馬三百八十四乾隆二十二年與多倫營設

倫營馬十六匹三十年撥給龍門所富貴山馬十一
匹二十七年裁汰營馬三十八匹四十七年裁扣養

赤城縣志 卷之五 武備志

二

廉營馬五十六匹裁扣額公糧營馬五匹四十八年

復額公糧營馬二匹嘉慶十六年裁撥入溝新營馬

十四十九年裁撥大名營馬十四匹道光元年裁撥
大名營馬三匹二十二年裁撥西疆營馬六匹二十一

年裁撥天津海口營馬二十七匹二十四年裁撥山
海路營馬一四通共裁撥營馬一百六十二匹

實在現設營馬二百七十九匹分設兩營十一城保詳後

隨營軍器額設庫儲器械鍋帳軍火等項自咸豐二

原儲神功神威砲位等項於道光二十一年全行調
運海口未奉發回查現存砲位隘甲火藥等項暨新

添各項器械分設各營詳後

協左營

舊設馬步守臺兵二百八十名乾隆二十四年增添

六名自乾隆至道光年間屢奉裁撥一百七名現設

一百七十九名實在差操防汎新舊馬兵五十三名
內有經制額步兵六十五名守兵四十八名臺兵十
外馬兵三名

三名

歲支俸餉馬乾等銀四千八百八十五兩六錢五分

六釐養廉銀一千一百六十八兩折色米三百九十

二百四斗本色米二百五十二石

舊設營馬九十八匹 乾隆四十八年復額公糧營馬一匹檢給多倫營馬六匹富貴

山馬六匹道光二十四年移駐松樹堡外委領去馬
一匹自乾隆至道光年間屢奉裁撥

現設馬五十三匹 內除司存差費馬九匹又奉文安設塘撥馬五匹又奉調北路換防

馬十二匹又今次換防馬六匹又奉調軍營未回馬
九匹又調入練軍營馬八匹又經制外委額外外委

赤城縣志 卷之五 設備志

三

馬兵共三員 實存現存營馬一匹
名需馬三匹

隨營軍器 舊設大小砲二十一 位子母砲五位 盔
甲二百二十一副 儲備火藥七百二十

二 觔一兩 戰箭三千三百二十枝 新添檣鎗十
桿 烏鎗四十桿 馬鎗二桿 長矛三十桿 尖

刀十七口 廣刀五口 藤牌五面 腰刀二十二
口

協右營

舊設馬步守臺兵二百八十一名乾隆二十四年增

添六名自乾隆至道光年間屢奉裁撥一百四名現

設一百八十三名實在差操防汎新舊馬兵五十九

名 內有經制外委額外 步兵五十九名守兵五十
外委馬兵共三員名

一名臺兵十四名

歲支俸餉馬乾等銀四千四百九十八兩三錢八釐
養廉銀四百一十六兩折色米三百七十八斗本

色米二百八十石

舊設營馬九十八匹

乾隆四十八年補復額公糧案內增添營馬一匹道光二十一年

年從滴水崖撥來馬五匹內撥給多倫營馬六匹富貴山馬五匹並自乾隆二十七年起至道光二十四

年止屢奉裁撥現設馬五十九匹內除司存差費馬十一匹

又奉文調赴北路換防馬十二匹又奉文安設塘撥馬六匹

又奉文調軍管未回馬十一匹又奉調撥入練軍營馬十四匹又經制外委額外

委馬兵其二員名需馬三匹實存在現存馬二匹

隨營軍器

舊設將軍砲二位大小砲一百五十四位子母砲五位

備備火藥七百四十七觔十五兩戰箭二千八百二十枝

新添臺鎗十二桿鳥鎗十五桿

赤城縣志

卷之五 武備志

四

長矛四十桿 藤牌四面 廣刀四口 腰刀二十三口 尖刀十七口

雲州營

舊設馬兵守兵八十八匹乾隆四十八年增添二名

自乾隆至道光年間屢奉裁撥三十名現設六十名

實在差操防汛新舊馬兵十五名步兵五名守兵四

十名

歲支奉餉馬乾等銀一千一百六十一兩六錢養廉

銀一百二十兩折色米三十九石六斗本色米一百

七十六石四斗

舊設營馬二十一匹除歷年裁撥現設十五匹

內除司存

差費馬三匹軍營未回馬
五匹調入練軍馬六匹
實在現存馬一匹

隨營軍器
舊設子母砲二位
大小砲一百三十七位
生鐵炸砲九百四十二個
盔甲八十七副
戰箭一千五百九十枝
新添檯鎗六桿
鳥鎗十七桿
長矛十六桿
雙手帶刀四把

腰刀二口
尖刀七口

赤城汛

舊設馬步守兵八十八名
乾隆四十八年增添二名

自乾隆至道光年間
屢奉裁撥三十六名
現設五十

四名
實在差操防汛新舊馬兵十五名
步兵二名
守

兵三十七名

歲支俸餉馬乾等銀一千五十九兩六錢
養廉銀九

赤城縣志 卷之五 武備志

十兩折色米二十五石二斗
本色米一百六十九石

二斗

舊設營馬二十一匹
除歷年裁撥現設十五匹
內除司存

差費馬三匹軍營未回馬
五匹調入練軍馬六匹
實在現存馬一匹

隨營軍器
舊設子母砲一位
大小砲二百四十四位
盔甲八十七副
戰箭一千二百五十枝
新添檯鎗五桿
馬鎗十五桿
長矛十五桿
雙手帶刀三把
腰刀二口
尖刀六口

鎮安營

舊設馬步守臺兵一百九十八名
乾隆四十八年增

添三名
自乾隆至道光年間
屢奉裁撥七十一名
現

設六十名
實在差操防汛新舊馬兵十一名
經制馬二匹
在內

守兵二十六名臺兵二十四名

歲支俸餉馬乾等銀一千一百一十六兩七錢八釐

養廉銀二百三十六兩米二百一十九石六斗

舊設營馬十九匹除歷年裁撥現設十四匹內除司存差費馬二

匹軍營未回馬四匹調入練軍營馬二匹經制外委馬一匹實在現存馬無

隨營軍器舊設子母砲四位大小砲八十位 匾

枝新添檯鎗五桿鳥鎗二十一桿長矛十八桿 雙手帶刀四把 腰刀九口 尖刀八口

龍門所

舊設馬步守臺兵一百四十九名乾隆四十八年增

添三名自乾隆至道光年間屢奉裁撥七十五名現

赤城縣志

卷之五

武備志

六

設七十四名實在差操防洗新舊馬兵十九名守兵

二十四名臺兵三十一名

歲支奉餉馬乾等銀一千四百五十五兩一錢八釐

養廉銀二百五十四兩折色米二十一石六本色米

二百四十四石八斗

舊設營馬十九匹乾隆三十年由本協城堡撥給本營分防富貴山馬三十四匹 除

歷年裁撥現設十九匹內除司存差費馬四匹軍營未回馬九匹調入練軍馬五

匹經制外實在現存馬無

隨營軍器舊設子母砲二位大小砲二百四十五位 炸砲九十三個 盔甲一百四十二

副 戰箭二千九十枝 新添檯鎗七桿 鳥鎗二十五桿 長矛二十一桿 雙手帶刀九把 腰刀

九口
尖刀九口

滴水崖

舊設馬步守臺兵一百二十二名自乾隆至道光年

間屢奉裁撥九十四名現設二十六名實在差操防

汎新舊馬兵七名經制外委二名馬兵在內守兵五名臺兵十四

名

歲支奉餉馬乾等銀四百七十一兩六錢養廉銀三

十六兩米九十三石六斗

舊設營馬二十一匹

道光二十一年改設經制外委添馬一匹共馬二十一匹除內除軍營未回馬二匹調入練軍馬二匹安設塘撥馬一匹經

歷年裁撥現設七匹

赤城縣志

卷之五

武備志

七

制外委
馬二匹 實在現存馬無

隨營軍器

舊設子母四位 大小砲一百七十六位 炸砲九百四十五個 盔甲八十六副 戰箭七百九十枝 新添檣鎗二桿 鳥鎗八桿 長矛八桿 腰刀三口 尖刀二口

馬營堡

舊設馬步守臺兵八十二名自乾隆至道光年間屢

奉裁撥五十五名現設二十七名實在差操防汎新

舊馬兵九名步兵五名守兵十三名

歲支奉餉馬乾等銀六百四十六兩八錢養廉銀九

丁兩折色米五十石四斗本色米四十六石八斗

舊設營馬二十五匹

內撥給多倫營馬一匹淨設馬二十四匹

除歷年裁

撥現設九匹內除司存差費馬一匹安設塘撥馬一匹軍營未回馬四匹調入練軍馬三匹
實在現存馬無

隨營軍器舊設大小砲一百八十二位 炸砲五百六十個 盔甲六十一副 戰箭七百六十枝

新添檯鎗二桿 鳥鎗九桿 長矛八桿 雙手帶刀一把 腰刀三口 尖刀三口

松樹堡

舊設馬步守臺兵六十五名自乾隆至道光年間屢

奉裁撥四十名現設二十五名實在差操防汛新舊

馬兵十二名經制外委馬兵二名在內步兵六名臺兵七名

歲支奉餉馬乾等銀六百四十五兩六錢養廉銀三

十六兩折色米六十四石八斗本色米二十五石二

赤城縣志 卷之五 武備志

八

斗

舊設營馬二十二匹道光二十四年改設經制添馬一匹內撥給多倫營馬一匹淨

設馬十二匹 除歷年裁撥現設十二匹內除司存差費馬三匹安設塘撥馬

一匹軍營未回馬二匹調入練 實在現存馬一匹

軍馬三匹經制外委馬二匹 隨營軍器舊設大小砲十位 盔甲五十一副 戰箭八百七十枝 新添檯鎗二桿 鳥鎗

六桿 長矛八桿 腰刀一口 尖刀三口

君子堡

舊設馬步臺兵四十八名自乾隆至道光年間屢奉

裁撥二十七名現設二十一名實在差操防汛新馬

兵十名經制外委馬兵在內步兵五名臺兵六名

歲支俸餉馬乾等銀五百四十兩養廉銀三十六兩

折色米五十四石本色米二十一石六斗

舊設營馬十五匹 道光二十二年改設經制添馬一匹內撥給多倫營馬一匹淨設十

五匹除歷年裁撥現設十匹 內除司存差費馬二匹軍營未回馬三匹調入練軍

馬三匹經制實存現存馬無

隨營軍器 舊設大小砲九位 監甲三十六副 戰

桿 長矛六桿 腰刀一口

鎮寧堡

舊設馬步守臺兵八十一名自乾隆至道光年間屢

奉裁撥五十五名現設二十六名實在差操防批新

赤城縣志

卷之五 武備志

九

馬兵八名 經制外委馬兵在內 步兵二名守兵六名臺兵十名

歲支俸餉馬乾等銀五百七十六兩養廉銀一百八

兩折色米三十六石本色米五十七石六斗

舊設營馬二十匹 內撥給多倫營馬一匹淨設馬十九匹 除歷年裁撥

現設八匹 內除司存差費馬二匹軍營未回馬三匹調入練軍馬二匹經制外委馬一匹實

在現存馬無

隨營軍器 舊設大小砲四十五位 炸砲五百五十個 監甲五十七副 戰箭八百一十

枝 新添檯鎗二桿 鳥鎗五桿 長矛八桿 腰

獨石口駐防

案舊設滿洲披甲兵一百官兵馬二十四歲支官俸

兵餉銀米悉詳黃志自雍正二年以後無增易

隨營軍器 舊設鐵葉盔甲一百五副 撒袋一百五副 腰刀一百五十口 弓一百十張 戰

箭五千七百枝 鳥鎗五十桿 大轟二桿 小旗十桿 天鎗三十桿 鑼一面 梅螺四個

養育兵二十名歲領米一百八十八石八斗

孤寡殘廢現年二十名每年名數增減多寡不等歲

領米三十二石

獨理廳捕盜營

現設馬兵四十名 舊額增裁無考 歲支米一百四十一石六

斗 由糧廳新厥倉支領

附屯田 今廢

赤城縣志

卷之五

武備志

十

塞垣

墩汛

驛舖

赤城驛 在縣署東賓館故址

雲州驛 在縣北三十里雲州堡舊設驛丞今裁歸

知縣管理

案兩驛原設續增馬匹天名除裁改外實在現設馬

八十六匹馬損夫八十六名夫馬每日支銷工料雜

項銀十兩零七錢三分六釐二毫內有舊額馬四十

六匹每日支銷一半倉豆一石六斗一升舊額馬損

夫五十六名每日支銷倉米五斗六升在於倉糧奏
銷另冊報銷每年有閏共支銷草豆麩料工食銀四
千一百八十七兩一錢一分無閏共支銷草豆麩料
工食銀三千八百六十五兩三分二釐除由地糧銀
內儘數留支外所有不敷銀無閏一千九百九十兩
三錢八分二釐有閏二千三百兩一錢二分七釐按
季赴司請領

獨石驛 在縣北九十里現仍歸驛傳道管理專管
臺站

案驛舊設馬二十九匹續增馬二十四匹每日支
赤城縣志 卷之五 武備志 十一

豆六升歲案三百五十四日核算遇閏加增每年春
季領豆二百六十一石六斗六升除自四月初一日
起至九月十四日止放青馬二十四匹不領外夏季馬
二十九匹領豆一百五十四石八斗六升又九月十
五日收回放青馬二十四匹起至月底止十六日領豆
十九石二斗秋季共領豆二百七十四石六升冬季
領豆二百五十八石七斗二升統計歲支縣倉豆八
百四十七石五斗六升其一切雜支仍赴京支領

鋪司

案原額鋪司兵十名咸豐八年奉文裁減六名酌留

四名每名每季支工食銀一兩五錢統計歲支銀二十四兩在於俸工項下報銷

煖鋪 案舊設煖鋪十四所今廢

關隘

獨石口關

南至縣城九十里赴口外蒙古多倫廳等處要路南門內設有稅局稅務及額設官員俱詳前現設馬兵一百六名戰兵一百二十四名守兵九十九名臺兵二十七名

北柵隘口

係邊門大口通口外蒙古多倫諾爾開平城土城子張家口等處柵牆水門砲臺等悉仍舊額設官員詳前現設協標馬兵二名步兵八名八旗防兵一百名

東柵隘口

係險隘極衝赴多倫要路西南至獨石口城十里縣城一百里額設外委一員馬兵二名步兵八名駐防營添設額催二名

赤城縣志

卷之五 武備志

五

西柵隘口

即鎮衝樓係險隘極衝赴蒙古要路額設外委馬步兵悉仍舊

靜虎樓隘口

西至萬勝臺樓二里通口外虹霓漢土城子多倫諾爾黑龍山等處

鎮西樓隘口

西至南免免墩三里

南免兜墩隘口

西至君子堡邊界墩止

新鎮樓隘口

西至蘇庄樓一百五十八步通口外紅房窪棒子溝丁庄灣金蓮花灘等處現設外委一員防兵三名

永太墩隘口

南至松樹堡邊界鎮虎墩七里有奇

四望磚墩隘口

南至總望墩六里有奇通口外大小城灘龍門溝等處現設外委一員防兵四名

野雞山門樓隘口

北至鎮虎墩四里有奇南至永太墩二里道口外南山崔井張獨二

廳道路現設外委

一員防兵三名

盤道口隘口 北至新墩二里有奇通口外黑河川千家店大西溝等處設外委一員防兵二

名

雙盤道隘口 北至龍門所雙鎮墩十八里有奇

塘子隘口 北至油溝嶺墩六里有奇通口外黑河川喜峰峯等處現設外委一員防兵六名

清平口樓隘口 北至平安墩十五里有奇通口外黑河川東卯嶺谷子房等處現設外委

一員防

兵六名

鎮嶺口隘口 南至龍門所邊界破鹿樓十里有奇北至靖鹿口樓十五里通口外明沙灘紅

旗馬胤熟河等處現設

外委一員防兵四名

案此外隘口四十四處俱仍舊封禁

赤城縣志

卷之五

武備志

三

赤城縣續志卷之七

選舉志

朝廷 設官固各有其職而職之盡與不盡何以驗之則莫如選舉一事夫選舉所在安危係焉此合天下而論之也若一縣之選舉縱不能得楨幹棟梁之望獨不能爲一縣觀感之助乎 我朝選舉之法較詳於前凡州縣歲貢以上例得書其姓名於志此其事不惟使當局者榮之即旁觀者亦欣羨愛慕之不巳且使後之人讀志而得某某之子孫興焉衆皆取之以爲法讀志而得某某之子孫敗焉衆皆懸之以

赤城縣志

卷之七 選舉志

一

爲戒是顯之爲褒榮之典隱之即轉移風化之機也孔子曰舉直錯諸枉則民服舉枉錯諸直則民不服選舉顧不重乎哉赤雖濱居朔荒然賤毛食土者猶是二五之精妙合而疑也人同此心心即同此理選舉所在安知其無榮辱之見動於中乎因作選舉志

文科

制科荐辟

孝廉方正

咸豐元年辛亥

白振緯

鎮安堡人以廩舉

王作梅 獨石口人以廩舉

案道光三十年

文宗顯皇帝御極建元之始

詔舉賢良邑紳公舉白振緯王作梅等由學牒縣轉詳經

閣督部堂覆驗准給六品頂戴未與

廷試

進士

乾隆庚辰科

景士秀

縣學生乾隆乙卯科舉人任浙江衢州府西安縣知縣

舉人

赤城縣志

卷之七 選舉志

二

乾隆甲午科

景際泰

縣學生乾隆癸酉科拔貢考取八旗教習任安平縣學教諭

道光甲辰科

吳廷梅

縣學生考取八旗教習以知縣用未仕

副貢

道光辛卯科

吳廷梅

拔貢

乾隆癸酉科

景際泰

黃志遺

嘉慶癸酉科

王永清

道光己酉科

王梅

道光丁酉科

楊步洲

道光己酉科

孟華

任戶部主事

咸豐辛酉科

蘇善述

赤城縣志

卷之七

選舉志

三

同治癸酉科

白世符

任武強縣教諭

恩貢

饒煥文

嘉慶十年貢

古隆仁

道光十年貢

韓光祚

道光二十年貢

宋國

維咸豐元

張心銘

咸豐元年貢

蘇登雲

咸豐四年貢

張懋

咸豐五年貢

五年溫來庭

咸豐元年貢

白振紳

同治元年貢

李瑞昌

同治元年貢

景承緒

同治十年貢

程大倫

光緒元年貢

歲貢

溫景泰

道光元年貢

張綿緒

道光三年貢

蘇枝若

道光五年貢

范文

馨道光六

年貢

王化南

道光六年貢

王永泰

道光二年貢

饒廷棟

道光年貢

十四 饒煥池 道光十年貢 饒廷輔 道光二十年貢 溫履庭 道光二十二年貢

趙連科 道光四年貢 李溫基 道光六年貢 霍興國 道光六年貢 唐世

英 道光十年貢 蘇麥雲 咸豐二年貢 吳炯 咸豐四年貢 歐陽楨 咸豐

六年貢 饒廷樞 咸豐八年貢 楊步達 咸豐十年貢 王作桐 同治九年貢 李光

吳煜 同治三年貢 李士魁 同治七年貢 李展基 同治九年貢 李光

彥 同治十年貢 程大受 同治十三年貢 侯永齡 光緒元年貢 喬夢明 光緒

四年貢 戴倫堂 光緒四年貢 案邑無優貢拔恩歲亦多失攷

補貢 今就採訪所及計得拔貢七人恩貢十二人歲貢三

十人

武科

禾城縣志 卷之七 選舉志 四

舉人

嘉慶庚申科

景升泰 兵部差官 候補守備

武職

仕籍

景士秀 龍門所人 浙江衢州府西安縣知縣 景際泰 龍門所人 深州安平縣學教諭

饒傑 赤城人 正定府井陘縣學訓導 饒宏仁 赤城人 順天府懷柔縣學訓導

孟華 赤城人 戶部主事 白世符 鎮安堡人 深州武強縣學教諭

赤城縣續志卷之八

人物志

選舉所在人物出焉自古人物之盛有出於選舉中者有不出於選舉中者惟懸綱常二字以爲的雖匹夫匹婦皆得援之以自立焉攷赤城舊志所載人物之卓犖本爲不多求其本邑戶口之發跡者更屬寥寥或者地氣不靈因以人物不傑歟抑知芳草生於十步烈香起於委灰赤邑雖小而山崗起伏之際窩風聚氣未始不篤生人物也其在文武兩途者勿論矣即閭閻之內令人可尊而可敬者僉推田氏之女

赤城縣志

卷之八 人物志

一

迄今過舍身崖下莫不歔歔流涕嘆其節烈之難及焉此可見綱常二字人人得而有之人人當隨分以盡之也續修所錄之人物以舊志較之似乎後不及前姑觀其所叙之事類皆於綱常二字頗有體會以晚近論之亦可謂鐵中錚錚庸中佼佼者矣書之於志原以見人物大小不在勢位之有無惟期各親其親各長其長而綱常賴以不墜焉即無愧人物之稱矣因作人物志

儒修

蘇枝若字樹堂赤城人歲貢生少穎悟讀書務窮其

理設講席望雲書院邑人僻居塞上不知書有幾許
濂洛關閩之學更未之聞枝若多方購求載籍以證
講家得失參究經史理路旁通每謂古人經濟悉自
理學中來恒以致用望少年邊陲桀驁之氣爲所默
化者不少矣生平成人之美扶人之危急公好義遇
事得枝若一言人輒爭先相赴蓋敬服者有素也子
登雲凌雲孫善繼善成善廉善得善教皆補弟子員
半食餼善述咸豐辛酉選拔餘慶正未艾云

唐世英字楚香世居獨石以歲貢就職訓導性孝友
持已惟謹口訥而敏于才生平講學關西河之謬取

赤城縣志

卷之八 人物志

二

陽明之長不務章句皆從身體力行求擇善固執不
爲異說所惑其教人因材尤以有文無行爲戒非公
事不至邑宰室而見義勇爲期於必濟如修復

文廟倡立義學弭獨石城隅水患諸善事指不勝屈迄今
人受其惠同治庚午春以微疾卒著有經解日記窮
理致用各十册待刊

行義

王鍾崙字嵐亭世居獨石以廩貢終其德行爲鄉里
所重蓬萊王比部啟曾會爲之贊前有引其畧曰燕
北有嵐亭王先生者乾隆時獨石彥也啟曾初游學

教授其家先生卽世十年矣鄉人猶道其德因得悉
先生生平旣而通籍去越二十寒暑復尋舊游城郭
其傾圯矣人物其變遷矣所籍籍人口弗哀者耳之
惟先生名在也夫先生淡於世味讀書特自娛耳然
古人有一言一行卓然可取輒愛之慕之曰古之人
古之人蓋於世未嘗忘而勗已念茲勗人亦念茲也
其行已也儉其待人也誠其處事也準人情酌物理
有所施不求譽也有所爲不求知也故其生也人仰
之其沒也人思之云蓋定評也

王永清字景蓮別號曉霞獨石人嘉慶癸酉拔貢就

赤城縣志

卷之八 人物志

三

職州同未仕嘗曰學未優非甘退也性溫而讓勤學
好義常捐金存富商收息充留養局經費凡邑中善
舉悉銳然任之至今人多利賴焉卒於咸豐庚申蓬
萊王比部啟會誌其墓孫樹勛號蔚林少有雋才寢
鑽經史過目成誦工詩能文見重於比部旋食廩餼
精歧黃貧者與以藥賞全活甚衆誘掖後生如恐不
及幼而無力者濟以膏火鄉黨中賴以婚葬者指不
勝屈好善樂施有乃祖風

饒宏仁字天心歲貢生明參將饒允三世孫也祖籍
江西洪武初始祖熙和隨駕渡江以功授指揮使爰

家於赤交傑爲井陘訓導宏仁幼聰穎年十五入泮
生平布衣疏食力挽浮華鄉里以孝聞考授懷柔訓
導歷任二十餘年去之日諸生攀轅請留歸里後教
授生徒貧者助以膏火遇有婚葬力弗贍者助以貲
並不問其姓名乾隆間邑大旱倡捐義倉穀邑賴以
安其他樂善好施義舉尤難殫述卒年八十有七子
樹經歲貢生孫煥文字評元恩貢生幼勤學早食餼
蓋累世書香至斯而益振姓尤羸落邑之書院義學
悉其倡修道光甲午邑大水復倡捐義倉穀人全活
以萬計年八十一而卒來孫逢泰已食廩餼敦行力

赤城縣志

卷之八

人物志

四

學有遺風焉

喬崧字壽山補邑武學弟子負讀書不多得解輒堅
信嘗讀君子無爭與惟恐不傷人深信射與讓反矢
與仁敵遂輟武試幼失怙恃痛哀幾死其師勸曰禮
經戒滅性哀不解曰孝子重惜身哀不解復探其隱
誘之曰父母惟其疾之憂則瞿然杖而起適邑令籌
留養費念其母素憫寡人曾欲輸金爲息本遂出三
百餘千以爲邑士庶倡令喜上聞總督方公受疇驛
送手書額曰倡善堪嘉崧肩之趨墓呼曰此志免竟
成矣嗣疏溢河之下游葺泮宮之兩廡經始必募告

如受命落成必墓告如反命一日語其子曰父在子
不得自專參以祭如在之意似不在而專亦非也專
乎專乎吾其免夫子敏宗字繼修以文入泮急公好
義善成父志同治乙丑秋河溢其家漸落力無能爲
人亦未嘗厚望乃竟破產而預謀焉

楊名顯字廷楊先世人明初徙開平昌平侯十一
世孫也年九齡失怙祖母朱憐愛之既長補武學弟
子員後輟試讀儒書語家人曰吾家先世業武席盛
然深沉智畧如宋之狄武襄范文正猶謂將不知古
今匹夫勇耳後嗣遂無以武進者今其孫步垣已食

赤城縣志

卷之八 人物志

五

廩餼矣其爲人剛毅而與物無忤家未嘗有隔年糧
而急公則計不及此道光庚子東三盟官軍取道於
邑索芻茭擾甚幾辱邑令名顯挺身出曰我楊某武
世家也聞先世督兵以律譁必誅何爾輩若此孰爲
將領請面我言次有色然駭者揮手軍中因解何語
旋各按轡整隊行

鄭光陸家滴水崖乾隆間人也補邑學弟子員不求
聞達怡情山水間接人惟和解推尤所樂卒之日舉
前執紼有自遠方來者今之街談巷議猶樂道云

溫景泰滴水崖人歲貢生學博行端爲一鄉望循循

善誘從學甚衆而行止或虧則斥去之鄉黠者健訟
勝人不敢歸曰吾何面目再見溫先生乎子秦庭早
食餽孫有容補邑學弟子員

孟敬業字慎修邑諸生少有才名家不中貲而性好
施值癸巳歲邑大饑至易子食請于官倡設平糶局
育嬰堂糜金以千計全活幾萬人城東南河決籌費
築堤造浮梁俾不爲患歲庚子東三盟官軍南下取
道於此役車疊出民疲於供且違農時敬業亟解囊
復勸紳商各出貲以助民勞於是怨泯而頌聲作矣
妻古氏每鬻釵質衣以成其善舉鄉里稱賢淑焉其

未城縣志

卷之八 人物志

六

季子華字實堂道光己酉拔貢幼穎悟性孝友處世
和而不同爲鄉間所重里有紛爭得華一言輒解官
戶部主事凡度支非手自握算不署諾旣而積勞成
疾遂不起訃至邑人痛之遂有筆諸誄者依其官銜
而特書曰咸豐九年己未春正月戶部主事孟華卒
於官

侯永泰字彙吉補武學弟子員能以勁弓大箭射學
使程公奇之視其試卷字秀勁呼與語得武經解且
推論曰兵以正爲本以能聚散爲上公問孰爲汝作
是說對曰出理學明道伊川先生公曰異日將才也

辛自愛屢試悉被斥深以義命自安後援例爲都司
咸豐壬子奉檄圍練邑人推爲守望長乃曰苟利鄉
閭不敢存出處見也練成勁旅以四踐更二出二休
周晝夜餘一游徼一中權先聲奪人塞外草竊悉引
去

白光瑞字輯五鎮安堡人早失怙恃依兄成立兄弟
久析居輯五推產於兄而兼善其弟善居積中年富
有兄適中落又公其產若未嘗析者子三長振綸補
弟子員次振紳歲貢生三振緯咸豐初元以廩膳生
舉孝廉方正孫四長孫世符同治癸酉拔貢次世箕
世第世箴曾孫梓芬桂芳皆入邑庠道光壬辰饑饉
相望爲義賑全活萬人敦族睦婣有古人風故鄉人
被其盛德從無至公庭者宜乎後嗣之熾昌也

壺節

孟邵氏赤城者民部福耀女年十九適處士孟博年
二十九夫沒守節五十六年咸豐元年卒年八十四
氏孝事孀姑撫夫弟妹畢婚嫁夫弟麟及同堂弟槐
覬覦遺產皆從所欲且以次子開業爲麟後氏子二
孫四其季華道光己酉選拔得氏教最多姻親王農
部廷弼在部呈報氏節嗣具 題奉

旨旌表准建坊入祀節孝祠

饒王氏獨石人耆民王鍾齋女年十九歸赤儒童饒廷樾爲繼妻年二十八夫沒遺孤二甫七八齡氏誓以死守井臼親操恒終夜紡織撫子成立授室教以義方事翁姑尤孝歷四十餘年如一日卒年七十二光緒間詔建坊旌表入祠祀之

王吳氏延慶州鄉學廩貢生吳鑿女適獨石廩生王一清爲繼室年二十一夫沒至同治十一年已守節四十年氏孝事翁姑無嗣以堂弟子作相爲夫後姻親賀農部式翰在部呈報氏節已咨奉

赤城縣志

卷之八 人物志

八

直督行取册結存案俟年終彙案具題

馬宋氏赤城人宋恩女年十五適鎮安堡馬英年二十四夫沒守節五十九年道光二十五年卒時年八十三氏孝事翁姑于昌福先氏亡所遺四孫撫之成立畢婚

馬張氏赤城人張立功女年十五適鎮安堡馬容年二十六夫沒守節二十五年道光二十六年卒時年五十一氏孝事祖姑無嗣以夫弟子文明爲夫後

張郝氏赤城郝光英女年十七適同邑張萬銀年二十七夫沒守節五十年同治二年卒時年七十七氏

孝事孀姑子三琳玘雲孫名輝名煥名駿

李王氏獨石王錦祚女年二十適赤城附生李親賢
年二十四夫沒守節三十七年咸豐六年卒時年六
十一氏孝事翁姑子一祥麟孫二長滋榮已食餼

何孔氏三山堡人孔弼魁女年十七適獨石廩生何
嘉會爲繼室年二十三夫沒至同治十年已守節三

十七年氏孝事翁姑撫前室子女畢婚嫁

以上節婦五四沒一存均於同治十年經教諭李冠
羣據族鄰人等結報加結牒縣詳奉飭侯臬

題在案

赤城縣志

卷之八

人物志

九

王饒氏赤城人恩貢生饒煥文女幼嫻姆訓頗通文
翰年十七歸獨石諸生王奉清甫二載夫亡守節仰
事備育二十餘載終夜紡織晝荻教孤子作梅以廩
舉厥豐初舉孝廉方正鄉里咸謂節孝所感云

唐壽氏山東老儒壽爾昌女年十七適獨石處士唐

琳爲繼室年二十二夫沒守節三十六年氏孝事孀
姑紉工積金歸父骨無嗣以夫弟子世俊爲夫後

唐楊氏開平昌平侯十二世女孫武生名顯女年十
九適獨石附生唐世俊爲繼室年二十七夫沒至同

治十一年已守節三十七年氏孝事孀姑無嗣以夫

弟子文藻爲夫後

劉王氏獨石武德將軍王鳴珂五世女孫處士嘉祥
女年十七適同里劉明年二十一夫沒至同治十
年已守節三十三年氏孝事翁姑無嗣以夫堂兄子
附生朝宗爲夫後

張尉氏鎮寧張名輝妻夫沒無依穴山而居母家勸
更適剪髮自誓日僅一餐晏如也邑令嘉其節已爲
詳請候題

流寓

劉秉忠字仲晦邢臺人家貧性豪爽不羈爲府令史

赤城縣志

卷之八 人物志

十

既而棄去隱武安山尋爲僧於天寧寺往來雲中元

世祖在藩邸召僧人海雲邀秉忠與俱應對稱旨大
愛予凡征伐謀議皆與上書數千言世祖皆嘉納焉

從征大理雲南每贊以天地之好生又從伐宋全活
甚衆即位後問以治天下之大經拜太保預中書省

事以天下爲己任凡所甄拔後悉爲名臣一代成憲
皆自秉忠發之精術數占事若合符契十一年扈從

至上都

赤即元之
上都路

其地有南屏山

山在獨石口南四
十里赤城北六十

許三山並峙如列屏然
築精舍居之秋八月無疾端

坐而卒帝聞驚悼贈太傅封趙國公諡文貞

事見元
名臣言

方外

邱處機元祖錫之璽書虎符世掌道教者也四傳至

世祖成宗世其徒祁志誠居邑北金閣山有長春洞遺蹟在焉洞中石像黃志謂是志誠輩鑿以像其先者據處機自號長春子耳今瞻龕上像少甚嘗聞道家先貌以入道之年爲斷曾不論其羽化否攷之宋元史宋宗開禧二年丙寅元太祖始稱帝殂於宋理宗紹定二年己丑處機巷遇當在此二十二年間年亦當不滿四十更愿紹定四端平三嘉熙四

赤城縣志

卷之八 人物志

十一

祐十二寶祐六開慶一景定五咸 十德祐二景炎
二祥興一益以宋亡後元世祖中統四入至元紀計
中間五十四年卽老處機亦不過九十有奇方外土
所常有矧掌教朝命實重道譽必不嫌其太老而山
東棲霞縣俗籍石刻其滿江紅一闕紀年爲至元是
去北而東歸殆已卯宋亡前後歟世傳處機宋進士
或者徽欽北狩鼎湖銜哀虞允文旣敗金師而八可
戰之說史浩且言能奪之乃竟徽和尚原吳璘重兵
致吳玠收復之三路十三州復爲金取於以歎在外
良將每誤於在內權奸因度夫力能滅金厥惟蒙古

托方外投其所好千之於幹灘河思幸中其徐誘之計安知丙寅甲午間非隱情而論運數金乃滅於元乎迨滅金之後理宗聽趙范趙葵請復二京之議柅桃強敵機兆宋亡幹運太儀智窮計左羽衣佛袖

避事仇不食周粟之深心慷慨悲歌實寓之則至元紀年固以是年所在示後也欲後世人原其棄國師之意也不與第書幹枝之倪雲林異曲同工也哉白下可馬楓有七律一首云不惜儒冠挂士林抱弓長痛矢徽欽誘元將作仇金計滅宋翻傷救主心北地靈符溷樂辱東山薇蕨感升沈悲宋別譜淒涼調誰

赤城縣志

卷之八 人物志

三

解中含變徵音

赤城縣續志卷之九

藝文七

藝文一志所以驗人物之盛衰也有德者必有言自
古人物之盛未有不工於藝文者降及後世行不逮
言有文藝極工而人物不堪掛齒者世風日下可想
見矣赤城舊志藝文一條所錄者類皆組綬之光輶
軒之韻其本邑人之著作不多見也續修者但當於
舊志所錄外嚴加搜尋不可輕言棄取也蓋前人創
修之始所採詩文類有關於風化繫於人心否則地
理之險要兵家之利鈍諸如此類始登之於簡編至
於羈人之留連詞客之吟咏間或有之然不多也故
金石所載雖不成文而蘭茗翡翠片玉碎金誠有棄
之不忍棄者矣因作藝文志

赤城縣志

卷之九

藝文志

一

祁真人道行碑

黃志祇錄墓銘
此兼錄其碑文

元李謙

真人諱志諷字信甫姓祁氏陽翟人家世貧務業農
用致富饒考逸其名諱行善好施人以長者稱之母
方震時夢道者遺之桃取食之翼日里人遙望所居
火奔往救及即之無所見而真人適生少歧疑識度
異常兒歲壬辰元兵下河南真人年十四爲軍士所

俘軍士恣殘忍同軍輩百餘人殺戮無噍類惟真人
獲免兵至太原祁縣招賢里有大族彊氏者索與軍
師善留真人子養之俾從師就學年幾冠謀爲取婦
辭曰不肖生逢喪亂離去親戚白刃之下子身爲道
物者所遺形槁木心死灰安能復以人道立於世將
息情絕欲入山學道高門撫養之恩不死會當圖報
維時彊氏強之不可時全真教盛行聞披雲老師宋
君居太原西龍山之靜居寺乃詣謁受教承事數年
躬執勞苦披雲識其偉器謂門弟子曰弘吾教者必此
子也授以入道之要輒忻然領業益進道益隆賜號
洞明子時同門高弟曰宋曰傅皆知推重真人不敢
以先覺自居披雲呼之來前爲書數語遺之大略謂
初志誠可嗣其教惟謹乃心毋替吾言敬之真人拜
授而去至保州之西枕村築室環堵以居出者凡三
載旣又謁靈陽丁先生于奉先之瑞雲菴羣居力作
者踰月人未識也一夕先生獨坐丈室真人前往參
叩先生持火燭其面曰吾於全真之門久未見其人
不謂今得子喜不自禁爲之手舞足蹈自是談論道
義不今去左右久之辭去丁問子將奚適真人言當
還太原丁曰汝南還不遇老於卒伍北行當張吾教

爲統軍師真人復之曰弟子曰丐一食且不得飽何
言統軍爲去之南行至涿得疾不能前進追憶前言
曰行或使之止或尼之無乃非人力耶反面北行抵
燕疾遂勿藥歲庚戌出居庸至雲州州將士庶禮遇
良厚爲擇地置庵處之扁其庵曰樂全口古漫興皆
達理之言往往爲人傳誦疾者來謁爲符祝療治應
手良已一方多賴以全濟聞出郭杖屨入西山尋幽
擇勝至劉家谷見其峯巒秀峙澗泉茂樹意甚愛之
真人謂其地昔金闈仙人隱蹟乃誅茆卜築名其山
曰金闈谷曰游仙觀曰雲溪尋徙居其中中統壬戌

赤城縣志

卷之九 藝文志

三

大丞相安童聞其名遣吏部尙書張元智持書迎致
一見如素智問一修身齊家治國之方真人曰身正
則景正身邪則景邪大夫處其厚不處其薄居其實
不居其華治大國若烹小鮮丞相嘆重以爲名言有
問隨答未嘗阿意苟容由是待以師禮至元七年爲
其師披雲宋君請諡於朝贈元通弘教披雲真人所
居金闈山雲溪觀賜額曰崇真八年授諸路道教都
提點明年賜元門掌教真人仍錫璽書衛其教歲奉
命持香祠嶽竇爲國祭醮祝釐精誠感通數有符應
宋平所俘寶玉入內府有天尊像及名鼎詔送長春

宮俾真人奉事尋以金飾紫極塵拂賜之真人感念
疆氏子養之恩請復其家詔從之十五年衡州入職
方命真人持香幣偕御史中丞崔或往祀南嶽既至
之明日遽藏儀行事禮成卽趣裝就道從者不悅曰
此來凡跋涉七千餘里不勝困憊宜姑伴數日留眞
人不應行未及兩舍州人追報嶽祠爲盜所據矣人
謂真人有先知之明十八年道門多故真人挺身直
前百沮而不撓或謂宜及是時謝事引去復之曰方
元風隆盛則以師長自居少遇屯阨則退身爲隱士
人其謂我何稍俟安泰然後辭去未爲晚也二十二

赤城縣志

卷之九

藝文志

四

年頌言已息適丞相安童至自朔方乃曰退歸巖穴
此其時矣春二月移書集賢院舉道教提點張志仙
自代集賢院以聞詔可羽流合詞言曰昌平北山三
元觀長春仙師所居宜爲真人歸老之地卽曰命駕
還山尋易蓬山道院鑿地修壙爲却後寧神之藏又
以崇眞宮棟宇卑陋不足以揭虔妥靈躬率徒侶百
餘人出私帑所有購材募工經啟改作王公貴人及
遠近信道之士皆樂爲伙助期前後二殿堅整崇峻
門觀顯嚴金碧輝映今皇太后道過雲州遣使致香
幣門遣駙馬高唐王奉黃金五十兩爲藻飾之費三

十年春會徒屬匠者告之曰汝等當致竭心力毋憚勞苦此終歲尙畢斯役吾老矣幸及見之其冬行丐州境未幾遽還謂門弟子曰繪塑之工吾不能竟矣汝衆其嗣成之求紙筆作二頌示衆易新衣冠怡然而逝是年十一日二十八日也享年七十有五十二月丁酉諸弟子奉師之柩權殯崇真宮之震位從居民請也前期行丐所至凡遇故知皆相與訣別羽化之日遠近吏民奔走會哭從事服役者日且千人非待人以誠能若是乎今上卽位追諡存神應化洞明真人真人明於性理通世務尤善論事裁處得宜丞相伯顏尤加敬禮開府史公一代名臣不輕許可聞其論議至謂祁真人若在仕流必長於治理大抵平生所學得於靜境真積力久心光湛然未嘗事筆研及作大字結構有法游戲篇詠輒出人意表嘗有閑把一瓢盛海月常垂兩袖舞天風之句語意高邁若此者衆有西雲集三卷傳于世竊常謂真人遯跡山林草衣木食守元默而無爲何嘗以趨時應務爲心哉及聲光一出不容韜晦一旦磨尺一之召嗣處教席承萬乘之尊次則王公大人之所際其下則四海道流之所受教非道德充實誠有大過人者信不能

赤城縣志

卷之九

藝文志

五

然及其蹈止足之戒復煙霞之約儵然無累浩然長
往視世間所謂榮利不啻如上莛然抑可謂知進退
不失其正者歟門弟高道輝等狀其行介御史中丞
崔公以道行碑爲請謙數與真人相周旋知其行誠
因爲叙次而銘之銘見舊志茲不復錄

重修獨石亭記

本朝 王秉璋

壬戌春余父有上北路之命乃於九月八日受事於
署其再一日去城南里許寓獨石廟彼時密雨霏霏
疾風颯颯止見獨石當空突兀於院中而寺宇圯毀
盡爲邱墟入其城雉堞傾壞蕪蕪荒穢滿目蕭然悽
涼萬千有令人感懷而悲者矣此邊塞凋殘之狀類
有然者因詢其由父老爲予言曰兵燹之餘遞加旱
雪室多懸金煙火不舉兵民之全活者無半計今公
初至是邦一雨連日黍麥勃興非隨車之甘雨而豈
其然哉且言廟中石一名丈夫石上有亭自亭之敗

城乃寥落城之初名亭之由建實緣於茲嗚呼亭之

興廢城之盛衰所由係也雖然興廢亦何常之有昔

日之盛已成衰則今日之廢何可不興予達其詳於

予父子父曰此處無郡縣守今吾官其地是吾之責

也何辭無勞軍力無費民財遂出俸錢以爲之倡並

語屬守共相爲助始厥工焉告厥成焉繼前模而壯
後觀豈獨爲此亭乎哉去秋八月旣望 裕親王獵
口外營射圍獨登眺於上子父爲之從啟其由來並
陳將欲建亭之故乃額書靈竒獨秀以爲亭之光亭
之興也自此必矣城之盛也亦自此可知矣余思古
今來有物而美以人稱者如君子竹大夫松是也亦
有人愛物而實其名者如陶潛柳茂叔蓮是也但草
木雖曰無知猶秉氣化以爲榮枯若茲石不過一拳
之多耳而得以丈夫名者何居吾見上無巒岫下無
巖谷巍然立於天地間不假援借無事憑依雄鎮萬

赤城縣志

卷之九

藝文志

七

里之邊郵控制北門之鎖鑰爲遐邇之瞻仰作中外
之巨觀確乎不可拔豈不偉然丈夫也哉則石之謂
丈夫也宜也於是偕客攜酒登斯亭也則見夫兩峯
並列擁衛於左右間也澗水環流川源而不息也農
者歌圃者嬉樂豐年而慶大有也童子休於樹蔭賈
經於道往來不絕貿易於其市也然而邊土慘裂晴
明之日少雨雪之時多烏奮翻以摩空猿啼穴而待
漏古木插天森森蒼蒼陰雨翳日沈沈纂纂亭之若
隱若現遠觀者又莫能窺其際也是則亭之興也亦
幾勞余父之心力而實上承 裕親王之盛意云爾

究之物不能自保其終遠也後之同志者嗣而葺之
俾斯亭之不朽又奚至生人寥落之感也耶余不敏
恭承父命乃援筆以爲之記歛識

皇清康熙二十二年歲次癸亥季夏中澣之吉日分鎮宣

府獨石路等處地方副總兵管參將事加一級古越

二字剝落重建行人司司正男秉璋撰文貢監生姪萬化書

丹中軍守備洪禹勳赤城都司周元臣鎮安堡守備

徐廷瓚龍門所守備李永茂雲州守備二字開平衛

守備李廷春滴水崖守備史豫定署中軍守備二字剝落

同建

赤城縣志

卷之九 藝文志

八

重修龍門峽惠濟橋碑記

宋尙文

蓋聞爲政不在小惠而利民莫貴善因善爲政者不

勞力不傷財耕耘收穫因乎天高下原隰因乎地今

龍門之勢山高千仞其下則瀾騰澎湃疾如奔馬巨

石逐流轉徙其間暖泉七十二距其上游北來諸水

匯之隆冬澤腹不結冰其結於兩岸者稜利如刃蓋

民苦厲揭之艱久矣客冬十二月有事開平止宿雲

州凌晨而渡龍門之峽熙來穰往病涉者紛紛焉予

悲此比其反也屬耆老而告以修橋之議僉曰此地

舊有浮梁曰捨身崖橋黃志載之舊址無存重修爲

艱吾鄉之議修而中止者蓋屢云余曰不然凡事亦因其自然而巳此地無橋則人人苦之無橋而忽有橋必人人樂之因其所苦道以所樂山可移海可填區區一橋何難焉僉曰誠如是也胡不爲石橋余曰石橋一舉工難而費鉅兩山之間水石相撞夏秋盛漲奔流倒峽山爲之震發礮石以爲之能當其衝乎爲今之計相時勢而度人情浮梁其較便也議及此耆老相嘆服者久之爰命商約相地基造綠簿首先捐此千總李公昶繼之紳商士庶爭先樂輸不數月間積成鉅款俾商約經理之乃鳩厥功乃庇厥材每歲十月造浮梁數十楹夏漲至則徹之堡外建房五間以儲木植發舊站民夫修崖束盤道而規模大備焉夫興利除弊有司所司斯役也冬修夏葺因天時也爲浮橋不爲石橋因地勢也富者輸財貧者力役因人力也一舉而三善得焉矣橋旣成行旅便之僉曰微公之惠不及此余曰不然徒枉輿梁王政也昔鄭相憫溱洧之病涉濟以乘輿君子稱其惠又以不知政譏之躬逢

聖世適宰斯邑布化宣猷誰之職歟普天之下共沐

皇仁一夫矢所伊誰是咎及其溺而濟之惠則惠矣其如

不知政何越翼曰耆老以碑文請余恐是舉之久而
就湮而又自咎其不知政也名之惠濟以自驚云工
竣餘錢若干發商生息以濟歲修凡士民之有功斯
橋者例得筆諸石以並壽焉是爲記

詩體續志

獨石亭擬古

本朝

王秉璋

引曰獨石有亭舊矣歲久摧敗無遺乃重舉而
新之已筆其事於記誌不忘也復擬古十六韻
以表其

盛概云

拳石窺星漢笑兀亘千古塞雲朝近集氤氳旋飛舞

悲風淒木葉呼吸動鞞鼓森森幾虬松插天揚威武

赤城縣志

卷之九

藝文志

十

亭絕落日低孤艇萬山祖青驄盛臨莅鉄騎陳行伍

攝衣登其巔還步留基堵世事茫茫無定感慨心焉懼

高望升遠岫俯視恬農圃枝上三更月溪流半夜雨

層巒走蛟龍深巖藏豹虎崢嶸天地老砥柱山河輔

直北重關合悠悠帶礪數南眺輕烟散霞光拂謝塵

堂構新俄頃殊方煥瞻都往復意何極彼獨永邊土

遊赤溫冷二泉

五言古一章

方觀承

層山轉蒼翠旌旆去悠悠烟景未易即何暇問清幽

偶因向仄徑稍得濡前郵澗蜜黃欲墜野花香正浮

風聞清松嶂其下豁靈湫女祁領異景不惜迂道求

巖扃叩初啟鶴鹿相夷猶丹砂伏雲氣上視重清樓
音韻響雜佩孰是弄珠傳鴈鳧少近砌香葉還通溝
陰房盛翕赫罔象潛冥搜咫尺復異派清冷澄水甌
騰沸歧遠脈趵突同輕漚動挾蛟蛟勢靜惟活活流
爲觀和會意宜無札厲憂穰稱仰 聖蹟落日垂邊
瀛至今光明室宮沼神龍遊遐哉赤城標雲霞恐未
倅睇身稅咸池振衣凌高邱忽愁寒霜早恒噓煖律
留一洗笳鼓競再叫絃歌稠含情望仙嶺長嘯聞清
秋

題獨石亭壁七律四首

赤城縣志

卷之九 藝文志

七

江寧處士司馬楓別號丹林秋流寓北方
遊此所作

其 蹇步鈴聲溼橐駝寒寒太緊想巖阿風餐陸覺入
松急雪澤遶云宜麥多奇慨遐荒愁積重樓遲大漠
氣違和飛沙枯草昏晨夕畫角催殘勅勒歌 其二

毳幕腥羶苦逼人戍樓底事不因陳縱饒天設連峰

險爭奈時遭匝地貧鄭俠畫圖今慘目李陵弓馬昔

傷神烽烟告警憂如祀漸慄堅水草莽臣 其三 邊

城坐倦夢梅花驚覺歸魂惱亂鴉子美有詩半羈旅

通明無計早移家就瞻愛日神京遠惆悵沈霾古道

斜垂老尙思倚長劍肥羊火酒興誰除 其四 日 一枝

彫幹起蓬蒿空際將櫻萬籟號寂寞鵬程雲影淡唐
顏雁磧月輪高眼分青白徒懷籍手點丹黃勝讀騷
癡立蒼茫回首望役車何處罷聞磬 維時同治

六年冬十月也其妻張氏可貞亦有寄慨詩一首其
詩云深閨生長路何諳夜走開平亂待劫半壁河山
間塞北六朝花鳥臉江南碁中殘局琴中愠紙上雄
兵枕上談猛訝雲州輕割賂契丹曾此視耽耽

登亭懷古 七律一首

李冠羣 本邑教諭

堅城勢壓近河流大似金陵古石頭上國垣墉遮朔
漠北門鎖鑰控神州屏藩不爲一時撤土本何貽千

赤城縣志

卷之九 藝文志

七

載羞樓倚籌邊遠凝望蕭蕭故壘荻花秋

題烈女田氏墓

按田氏千總田坤之女也明正統己巳之變
坤戰沒女年十九痛君虜父亡不勝義憤遂
投龍門峽死即所謂舍身崖也土人穴石壁
涇焉 天順初特旨旌之 司馬楓
與其妻安蕭張氏聯句而作 張氏名可貞

女兒悲 可貞 父死綏奴非男子 楓 復仇者誰 一解 嗟

乎天子 可貞 主辱臣當死臣父恥蒙塵 楓 毅魂惟君

使 二解 父骨無計收 可貞 君身無計留計惟化厲鬼

腦盪也先酋 三解 狼把羅裙束 可貞 痛極轉不哀

道聲奴死矣 楓 深崖飛血肉 四解 可貞

題湯泉七言二絕

司馬楓

纔傳鱗異便疏泉聳聽陰謀水利先不是樣田春

釀武襄

楊公洪諡

應惜犒軍錢

其二曰

臨淵欲作洗兵

觀出塞先聲不倒瀾西合流沙揚士氣問誰猶怯陣

雲寒

長春洞感舊

七律一首

林牟貽

本縣

伴公會讀十年書蓋寄棲霞雪壓廬塞上河詞墳夢

裡洞中遺蹟慨元初生成慧業拋金馬銷盡英聲打

木魚論世不堪回首憶一行作吏史才疎

塞上句解

棲霞縣北公山菴邱公故居也牟貽少時從舅父牟一樵水部讀書神案

赤城縣志

卷之九

藝文志

七

側冬夜倦而假寐焚公撫紙含毫竊門待者問曰公何爲答曰適填塞上詞豈今日官此類此耶

題湯泉

七律一首

林牟貽

炎涼立判笑人癡指點源頭入悟時儘有熟腸交轉

淡便逢令面氣猶移含和不買清流禍去染何存跡

進恩好與春風徐醞釀新民妙諦証心知

題湯泉

七絕二首

唐樹棠

諸天幻境此澄觀任有禪機濟世難悟到湯盤新又

日渾忘我體不知寒

其二曰

太和鼓盪問源頭不是

貪泉好恰投洗淨人間無數垢依然萬古品清流

湯泉

五古二首

藥世純

披藥公乃福山人茂才也家毀於捻匪沈萬
邑之鎮安堡教授生徒一日遊湯泉將俗而
止因作五古二首

其一曰 附熱心不敢玷清心更憾一心兩遲疑相近

復相遠 其二曰 禮經兢臨深滅趾筮易林含垢亦何

礙光明惟養心

題湯泉 七律一首

李冠琴

湯泉自古說華清誰知分派出赤城應是陰陽和地

脉休將冷煖判人情春光蒸蔚霞千丈淑氣氤氳水

一泓安得恬波隨處引祁寒釋憾濟蒼生

獨石口感懷 七律二首

邑人

王煥勳

同治六年
丁卯冬作

赤城縣志

卷之九

藝文志

十四

聞道秋來冠又流書生義激欲同仇敢忘鄒魯東南

界怕說燕雲十六州鶴唳也教胆幾落鷄鳴莫笑舞

忘休彼梳此櫛渾常事塞上冬烘屢聞郵

其二曰

模糊情狀若聽聲癡想當年今日礮擊標遙憐軍帳

令圍爐猶覺讀書淒危疑理自探闕洛鷲黑形誰憶

狄鞬殺運倘收春色轉吟懷或壓杜鵑啼

金石雜志

一石高尺許濶一尺九寸刻五律二首

其一曰

幽尋採

勝蹟弭節詎靈真蛻壳奔泉冷浮崖古篆湮青田副

藥輦丹鼎護砂人蕪矣無從認何緣課谷神

其二曰

宛路迂疲嶽幽棲訪化人
瑤華明夏卉琪樹倚烟榛
小築曾鄰晉託丹爲避秦
辭碑仍可讀把酒對嶙峋
右曰 靈真觀二首 左曰 東廵使者梁雲構題

一石高一尺二寸刻五律二首 其一曰 避塵探淨域得

觀號靈真跨鶴何年去遺碑此日涇石床無異草茅

舍有間人二翮紛相峙會詩何其神 其二曰 不謂幽

棲地而多辟谷人鴛鴦猶在泊鸞鳳盡棲椽採藥堪

愚魯燒丹爲避秦可憐長夜客遺象表嶙峋 右題曰

靈真觀步梁某指韻二律左刻崇禎乙亥九月西蜀

陳新甲題

赤城縣志

卷之九

藝文志

五

一石高六尺濶二尺五寸刻七律一首 其詩曰 赤帝城

高接塞雲飛泉一曲氣氤氳欲知麥谷含生意好借

湯盤洗俗氛天道陰陽原妙合人情冷煖自區分清

明浴日還誰望冀有涓埃答 聖君 右題曰 賦得湯

泉 左刻 萬厯巳酉秋九月旣望宣大閱邊廵按御史

吳亮書字徑二寸許

一石高四尺八寸濶二尺石陽刻雲根二字大徑尺餘

行書右寫萬厯十四年歲次丙戌夏四月左廵按直

隸監察御史溷 孫賢石陰刻曰 龍沙官此者古

有望雲之感乃獨把酒賦詩殊無落花之意亦奇興

也因志之詩師漫識又曰同登是臺者新參府也書
皆行草字徑二寸許

一石高三尺三寸濶二尺三寸刻七絕一首云團團一
石秀如拳砥柱人間不計年長拱朔雲雄漢水凌空
紫氣燭中天欵識刻曰鵬邑查官正題

一石高五尺四寸濶二尺三寸石陽刻五律四首其一
曰獨石一拳立孤亭四面開當關眞卓爾踞地亦雄
哉北野黃花晚西風白雁哀偶來聊遣興不作望鄉
臺其二曰爾號丈夫石誰稱石丈夫亂山中砥柱絕
塞表雄圖狐兔寧容窟豺狼敢在途還將壁立立意鳴

赤城縣志

卷之九

藝文志

七

劍定伊吾其三曰勒馬谷陳迹乘聽得勝遊參軍應
落帽諸將盡堯登雁塞微塵淨龍沙宿雨收故園松
菊在同首仲宣樓其四曰萬事千戈裏三秋歲月新
難逢開口笑未許乞閒身孟博登車穆陶公灑酒巾
平生獨立願對石愧嶙峋右題重九日登獨石亭左
刻萬曆己酉年宣大閱邊巡按御史吳亮書字徑寸
許石陰刻孤根柱漢四大字徑尺餘左刻欵識庚午
初春左宣城司蜀人李師聖書

一石高二尺四寸濶一尺五寸刻七律一首云塞北霜
威淨遠氛前旌遮道入重雲眞人紫氣關門識內史

佳言柱下聞石室藏春窺窈窕璫檀飛雪散纈紛憑
虛東向長安日蓬闕遙瞻五色文字徑寸許石題曰
冬日陪吳侍御視雲州小憩靈真觀又刻萬曆辛卯
浙東鄭汝璧書

一石高二尺三寸濶一尺九寸刻古題詩一首右題獨
石吟左刻蜀人馬鳴鸞萬曆乙巳仲春日赤城兵備
參政楚人張 字徑寸許行書但字跡剝落多不
可辨故不能備錄其詩攷黃志職官載分巡口北道
有張存意名萬曆三十二年仕此其年甲辰此日乙
巳存參

赤城縣志

卷之九

藝文志

七

一石高二尺六寸濶一尺四寸刻五律一首云攬轡入
雲州山林引壯遊孤崖清磬發千樹白雲流洞古春
常在碑荒字尙存披霞一長嘯恍惚過浮邱右題曰
靈真觀左刻巡按直隸監察御史四月吳禮嘉書

一石名竹葉碑在十天君廟前石紋墨色橫斜若繪竹
枝葉悉備有掩映之致陰陽如一亦足見造物之奇
一滴水崖丹崖下鑿石如門左刻闕外名山四字右刻
壁立萬仞四字字跡大徑丈餘廟東一峯孤立名束
天柱上刻天柱二字徑二丈餘崖下滴水崖三字徑
幾丈欸識刻萬曆五年分巡口北兵備參政安肅汪

汝梅書真武廟旁刻峯巒如畫四大字無款識可稽
一石高幾八尺濶一尺五寸上刻闕外第一泉五字大
徑尺許欸識剝落不可辨

一石高七尺濶二尺二寸上刻楷書寒谷溫泉四字大
徑尺許欸不甚清楚尚有可辨者右刻武陵順山姚
學閔左刻分巡道兵備副使王 分巡道兵備僉事
劉葵分巡口北左參將麻承 萬曆己卯仲秋同作

一石高幾五尺濶一尺八寸上刻明湯待御過溫泉記
右題即此四字左欸識刻巡按宣大監察御史陽羨湯兆京
書字徑五分許法用歐圭峯以云得筆則未也 其

赤城縣志

卷之九 藝文志

六

文已見於前

一石刻重修湯泉記欸識欽命總督宣大山西等處軍
務兼理糧餉兵部右侍郎兼都察院右僉都御史襄
平耿焯識順治歲次戊子仲秋吉旦末刻綜理布置
捐助重修赤城守備尉 字徑八分悉楷書其文
已見於前

一石高五尺濶二尺二寸石陰刻飛翠摩空四字 本
朝王秉璋重修獨石亭所建其碑文已見於前又一
石高一尺六寸濶二尺二寸刻五古一首亦秉璋所
作其詩與小引並見於前

一石高二尺五寸濶一尺七寸刻直隸總督方公詩觀
承五言古一章詩見於前字徑寸餘楷書款識刻乾
隆戊寅初秋游赤城溫冷二泉作桐城方觀承

赤城縣志

卷之九

藝文志

七

赤城縣續修志卷之十

天文志

易曰天尊地卑乾坤定矣是有地理必有天文焉第
天文虛而無憑不若地理實而可據也修志者不先
天文而先地理此殆有微意焉攷之義經乾上坤下
曰否坤上乾下曰泰其屬意不從可知乎抑又聞之
上爲天下爲地生於中間者人也人之事無一非天
之事惟人事有未修而天之災異始見矣或曰天之
災異天之氣數爲之也夫猶是一天他縣無災異獨
己之縣有災異設非己之行事致怒於天天胡爲如
此之偏而顧委之於氣數焉其不畏乎天也必不愛
夫民矣或又曰如非氣數何以太平之世屢有災異
噫此義又非淺近之識所能測矣今父母之愛子也
其於賢者屢懲戒之不賢者懲戒之不聽卽不復懲
戒之豈父母不愛之乎愛之之術窮卽以不愛者愛
之焉特不賢之子孫不悟耳太平之世屢有災異而
卒無其應者安知非 聖天子恐懼修德以挽回天
怒乎試觀乾隆十二年以前災異屢書十二年以後
則不見焉豈後之世盡爲太平天不復爲之懲戒乎
抑懲戒之不聽官於此者匿報不聞因以後人無所

得訪乎此誠難爲之決矣但赤城一志始以地理終
以天文倘天地之不和非人之咎誰之咎乎官於此
者宜何如軫念也因補作天文志

赤城縣志

卷之十

天文志

二

